

兵部

武選司

銓選一

官制資格附

勲祿

陞除

銓選二

推舉考選

降調立功為民充軍附

銓選三

武職龍襲替

銓選四

官舍比試

旗役陞用併銓附土夷龍襲替

優給優養附

貼黃

誥勅

大明會典 重修

大明會典卷之一百十八

兵部一

兵部

尚書左右侍郎掌天下武衛官軍。選授簡練鎮戍廐牧郵傳輿阜之政令。其屬初曰司馬。曰職方。曰駕部。曰庫部。後改司馬為武選。駕部為車駕。庫部為武庫。職方仍舊。俱稱清吏司。

武選清吏司

郎中員外郎主事分掌武官陞調襲替優給誥勅功賞之事

凡內外大小軍職衙門官員。具在職掌。俱有額數。及原定資格。其後武職陞授漸多。不復能拘額數。但有見任帶俸之別。其資格仍舊。

武官額員及資格

都督府

左都督 正一品

右都督 正一品

都督同知 從一品

都督僉事 正二品

留守司

洪武初置中都留守司。嘉靖十八年增置興都留守司。次中都而序。設官

同

正留守 正二品

副留守 正三品

指揮同知

從三品

都指揮使司

都指揮使二員

正二品

都指揮同知二員

從二品

都指揮僉事四員

正三品

衛

指揮使一員

正三品

指揮同知二員

從三品

指揮僉事四員

正四品

衛鎮撫二員

從五品

所

正千戶一員

正五品

副千戶二員

從五品

所鎮撫二員

從六品

百戶一十員

正六品

儀衛司

儀衛正一員

正五品

儀衛副二員

從五品

典仗六員

正六品

百戶所鎮撫各有試職。試職起永樂十五年。

作一級支半俸

都督同知都督僉事都指揮使同知僉事指

揮使同知僉事正副千戶試百戶試所鎮撫

各有署職。

凡署職。適加本職一級。署副千戶。以實授百戶。署試百戶。試所鎮撫。

俱以冠帶總

署職起景泰元年。作半級不支俸

土官額數及資格

舊屬吏部文選司。洪武三

宣慰使司

宣慰使一員

從三品

同知一員

正四品

副使一員

從四品

僉事一員

正五品

宣撫司

宣撫一員

從四品

同知一員

正五品

副使一員

從五品

僉事一員

正六品

安撫司

安撫一員

從五品

同知一員

正六品

副使一員 從六品

僉事一員 正七品

招討司

招討 從五品

副招討 正六品

長官司

宣長官 正六品

副長官 從七品

蠻夷官。苗民官。千夫長。副千夫長。土官中頭目。原無專職品級。

勳祿

凡武官勳祿。具在職掌。一品至六品。所授上柱國。至武騎尉。曰勳。歲支俸米。曰祿。遇有除授官

員。須要明白照品定擬。大明令。洪武禮制。正一品勳。有上柱國。後更定

正一品勳。左柱國。右柱國。月支祿米八十七石。歲該一千四十四石。

從一品勳。柱國。月支祿米七十四石。歲該八百八十八石。

正二品勳。上護軍。月支祿米六十一石。歲該七百三十二石。

從二品勳。護軍。月支祿米四十八石。歲該五百七十六石。

正三品勳。上輕車都尉。月支祿米三十五石。

歲該四百二十石

從三品勳輕車都尉月支祿米二十六石歲

該三百一十二石

正四品勳上騎都尉月支祿米二十四石歲

該二百八十八石

從四品勳騎都尉月支祿米二十一石歲該

二百五十二石

正五品勳驍騎尉月支祿米一十六石歲該

一百九十二石

從五品勳飛騎尉月支祿米一十四石歲該

一百六十八石

正六品勳雲騎尉月支祿米一十石歲該一

百二十石

從六品勳武騎尉月支祿米八石歲該九十

六石

武官原無七八品土官有從七品亦不支俸

凡有軍功陞俸後又有功陞級者若與所陞俸

級相同即將原陞俸住支止支本等職俸

凡五府帶俸都督僉事俸糧嘉靖三十六年題

准除原係軍功陞授及

皇親特陞實授者俱照舊關支外其餘推陞署職止照原職指揮等官於原衛所關支其柴薪銀兩於本府關支○又題准京營各帶府銜署職俸糧只照原職於本府關支其各處總兵官俱照前例於原衛關支○萬曆十年題准各處總兵官以南京府銜陞出者改註北府支給柴薪凡各處間住都督指揮等官但係功陞者與支本等俸糧其餘推陞遇例等項不拘養病回籍聽勘只支祖職俸糧有廢棄起用者雖署流官職銜其俸糧仍照祖職支給

凡在京都指揮等官推選各都司管事其有願留俸糧養親者兵部行移戶部查照各都司該得本等俸糧並以三分為率止存一分原衛關支其餘二分并折色俱在見任都司關支○嘉靖九年題准外衛選調別衛者亦得分俸凡間住指揮千百戶等官隆慶四年題准京衛報五府兵部外衛報守巡兵道三年閱視一次弓馬習熟謀勇兼資素行無議列為上等准食全俸錄用次則騎射多中而無大過亦准支俸其有下等庸惰自廢而騎射無能者與支半俸

若三年不與閱試。而衛所通同冒支俸銀者。一體坐贓治罪。○萬曆九年議准。考選退閒武職。分為三等。平常及穉少者。准與全俸。候缺取補。老疾者。止支半俸。貧殘不法者。月支俸一石。餘俸住支。不許管軍管事。衰老庸劣。不堪操備者。即行住俸。勒令承替。

凡軍官侵盜錢糧。監追未完。子孫襲職者。扣俸還官。○萬曆八年議准。武職犯該監守自盜等罪。問擬永遠充軍者。追贓不論年月久近。贓數多寡。務要追完。方許保送應襲之人。襲職不許。

扣俸抵補其犯該因公科索等罪。問擬立功降調以下。贓百兩以上。監追一年之外。不能完官者。許扣俸抵補。如贓少家富。仍追併完納。有正犯子孫故絕。而別枝子孫當襲者。先准襲職。然後扣俸抵補。如或贓銀至數百兩。米至數百石以上。而承襲之人。官卑俸薄。不能補完。當先儘正犯家產估賠。并將俸扣十分之五。其餘應否開豁。勘明奏請。

凡立功未滿身故。子孫襲替者。與支半俸。扣至限滿全支。其立功遇宥官。正德二年題准。行該

衛所扣算。自到彼立功。及遇宥回衛。已過五年之上。又能改過自新者。照例與支全俸。其未及五年。全未及立功者。亦須扣算五年之數。方許收支。若長惡不悛。雖及年限。亦不准與該衛所有朦朧收支者。叅問枉法贓罪。

凡武舉中式。應加米數。月支三石。萬曆元年題准。中式武舉官生。若委用之後。已經革任。後復推用。雖在年限之內。不得復支武舉米石。告養病者。病痊之後。如係支過五年之外。才力雖堪。但許聽候推用。所加米石。難復開支。其餘未經

推委。或回部聽候別用者。與無薦舉同。俱扣至十年而止。○十二年題准。考選革退武職。除世職照舊准支原俸外。其他效勞。傳奉。武舉。及緝捕有功。或冒襲冒陞。已經考革者。查照文官考察革任事例。不分在京在外。俱不許復支俸糧。

陞除

武職官每歲六選。與文選同。官有流。有世。世官指揮使。同知。僉事。正副千戶。衛鎮撫。實授試百戶。所鎮撫。凡九等。流官都督。同知。僉事。都指揮使。同知。僉事。各三等。正副留守。二等。流官以世

職陞授。後以武舉兼用云。

凡武官除授。洪武二十六年定。武官或有功陞除。或調除別衛。或為事復職。若見缺官員。應合調補。遇有前項官員到部。須要審取從軍脚色。委官齎赴。

內府。比對貼黃。中間歸附年月。征克地方。陞轉月日。衛所流官世襲相同。然後具本。明著緣由。連人引至。

御前陳奏請

旨。轉調除授。或奉

特旨陞遷。隨將欽與職事花名。衛所流官世襲。及陞調緣由。就於

御前陞選。仍照選簿內條寫榜文。次日入奏。將引選過官員看畢。抄榜給憑。定限到任。仍行該府轉行所在衛所。催任繳憑。○永樂初定。凡奉天征討守城。征哨。擊人有功。

欽陞都督都指揮者。照洪武舊制。與流官見陞指揮。除已定流世者。仍舊未定者。俱與流官。其千百戶。鎮撫儀衛正副。典依俱與世襲。若係致仕官。及因官下舍人除授。并義男女婿等項。襲替者。

俱與流官。已行歷功與世襲者。仍前世襲。各衛所官旗軍。有全城歸順。江上朝見。并招船招人。擒首姦惡。逃判等項。

欽陞官員。若係洪武年間原授職役。今陞千百戶衛所鎮撫者。俱與世襲。陞指揮者。與流官。革除年間陞授及德州等處選署。今陞職者。亦與流官。其各都司衛所官。有革除年間除授及德州等處選署。曾經管事者。與流官。止終本身。

凡大選。宣德三年奏定。武選條式。一脚色。二狀貌。三才行。四封贈。五襲廕。仍具有無殘疾。從親

管及同僚同隊并首領官。保勘以憑稽考。

近例多不

○弘治間定。凡單本選過軍職。遇大選。仍通類具本附選。

今類題

○嘉靖元年議准。一日附對

選簿不盡者。聽明日補續。又明日奏請用寶。

凡傳

旨除授。宣德三年。令凡內官傳

旨除授。不問職之大小。有勅無勅。皆須覆奏。然後施行。

凡敘功陞授。永樂十年。令總兵官。在外遇官軍有功合與官者。先諭告使知。仍具姓名功蹟奏

會通卷九
十
聞除授

今無論古

凡陞授試職。永樂十年。令武官陞試職。未經實授者。須立功。方許實授。

凡註府。隆慶三年。議准。五府侯伯。會推南京駐劄管事。願于南京各府帶俸者。題請改註。

凡註衛。弘治十三年。題准。錦衣衛官。原係本衛千百戶。鎮撫。積有軍功。及

皇親子孫。乞恩。陞至都指揮等官。俱註錦衣衛。若無衛所者。兵部臨時奏請定奪。其餘原有衛所者。註原衛所。不許朦朧比例。乞恩改註。

凡東廠理刑。嘉靖十六年。令東廠理刑。陞級官。只照常帶俸。

凡大漢將軍。正德十四年。奏准。侍衛三年。給冠帶。又歷五年。授試百戶。又歷五年。奏請實授。

凡

各陵衛官。選調別陵衛管事者。嘉靖二十五年。令仍在原衛帶俸。

凡將官陞職。如各邊將官有缺。除侯伯都督名位相應外。若都指揮堪任主將。擬陞五府堂上官署職。若指揮堪任偏將。擬陞都司堂上官署

職。以便行事。後有戰功。該陞。仍從祖職加陞。其有遇例。俱不在實授之例。各都司掌印僉書及內地叅遊總兵。亦如之。非功能素著。屢經保薦者。雖遇缺。亦不許推用。已推署職者。非有軍功大勞。雖遇恩典。亦不准實授。

凡將領加銜。萬曆九年題准。副總兵官。下總兵一等。不可輕易請加。必有重大戰功。緊要邊工。勘實請加。其資深請加者。必總計其自任都司叅遊。歷十年以上。方許議請加授。

凡在外衛所官功陞。成化十四年奏准。各衛指揮功陞都指揮者。俱改註都司。在內者仍舊。○又奏准。在外衛所千戶功陞指揮者。比與指揮陞都指揮流官不同。俱令於該衛原係帶俸。并帶俸管事者。量與軍餘四名。不許列銜公座。若考選軍政者。不在此限。○弘治八年題准。各衛指揮使。功陞都指揮僉事。註原衛帶俸。照例于本衛撥餘丁六名。以為導從。其才謀操履出眾者。考選軍政時。量授都司軍政雜差。○正德六年奏准。凡納級都指揮。雖經推選。及分守守備。

把總都指揮。雖有功陞者。俱於原衛所帶俸。毋得夤緣濫舉。列銜都司。惟奏保軍功及原推見任軍政者。仍舊。

凡領班漕運都指揮。銓註中都留守司河南等都司帶銜。仍於本衛支俸。照例請。

勅赴任。所領勅書。直待交代換給。不必每次題請。其餘副叅遊守都指揮等官。俱不得銓註都司帶銜支俸。○正德十年議准。各處領班官赴京操備者。許本都司列銜支俸。得鈐制各屬衛所官軍。如遇考選聽巡撫等官通行查照。

凡備倭都指揮等官。嘉靖十四年題准。於附近都司列銜支俸。

凡漕運把總等官。萬曆三年題准。把總官運糧三年以上。果廉能幹濟。依期完糧。許各該衙門據實保薦。准令於實職上陞一級。其運官依期過淮。過洪完納。巡倉御史據實獎薦。即行賞賚。仍擬陞署職一級。過洪後期完納。依期者。通候三年。准陞署職一級。凡經薦舉運官。兵部即行犯錄。候陞遷日。破格優敘。若先犯降級。不係侵欺掛欠。許將所陞職級。准復原降之數。若見有

漂流并未掣通關者不得濫舉

凡納級指揮嘉靖四十三年題准軍民人等不許濫開止聽衛所職官加納其納級官亦止帶俸不許管事

凡護衛儀衛司等官洪武初令

王具本奏知從兵部選授○嘉靖元年議准儀衛副非由軍功者毋輕授指揮職銜○八年議准王府奏保冠帶書辦官先行撫按查勘果係相應在府旗校餘丁奏請定奪

親王通前母過五名

郡王通前母過三名若來歷不明遊蕩術士及一應素無行止之人提問發遣

凡武選禁例弘治間定職官人等不由銓選推舉朦朧奏請以圖進用及夤緣奔競乞

恩傳奉沮壞選法者職官問罪降級調衛旗軍舍餘問發邊衛俱帶俸食糧差操

凡將領交代萬曆九年題准除都司外其副叅遊守領班都司提調備禦把總除革任提問及緊急調遣不候交代聽督撫委署凡尋常陞調務候新官見面交代違者撫按叅革仍將交代

日期咨部記查。撫按徇情私放。聽該科本部查
參。凡軍官給憑。南京上十二衛。并南北直隸衛分。
給本衛憑。五府屬衛。給該府憑。中都留守司。及
在外都司屬衛。給各司憑。○嘉靖三年。奏准。軍
職到任。違限半年以上者。提問文憑。破損者。罰
俸兩箇月。○三十六年。令兵部推用將官酌量
地方遠近。定立期限。如有過違。巡按御史查參
究治。

凡武舉中式官生。嘉靖元年。題准。陞署職二級。
第一名。若係百戶以上官。照例加陞。百戶以下。
定授副千戶職銜。以示崇異。其第二名以下。總
旗。授署副千戶。小旗。署百戶。舍餘軍民。署所鎮
撫。係在京衛指揮僉事以上。發京營。推補號頭
千總。及委各衛軍政掌印僉書管屯存恤等項。
或發薊保二鎮。任以千總把總守城守堡。委用。
係在邊衛。與北直隸臨邊者。咨送督撫衙門。分
隨各將領管操殺賊。委守城堡。及量任千總把
總。并各衛所掌印僉書管軍管事。係腹裏兩直
隸。并各省。不拘指揮千百戶等官。俱發各該巡

撫衙門量委各衛所掌印僉書管軍管事。其在
五名內者。先行委用。俱候效勞保薦。兵部查有
將官員缺酌量推用。并其餘獲有軍功。照例推
陞所加署職。非有軍功。雖遇
恩例不得實授。

大明會典卷之一百十八

大明會典卷之一百十九

兵部二

銓選二
推舉

流官推舉。與文職保舉同。

凡五軍都督府缺掌印官。兵部具奏。會官於見
任公侯伯內推舉二員。缺僉書官。於各府帶俸
公侯伯都督。及在京各營都指揮等官。在外正
副總兵內推舉二員。奏請簡用。其府軍前衛缺
掌印官。亦於侯伯內推舉。

舊例。中都留守。司正
副留守。於皇親勳

舊。及在京武臣
內推舉。今不行。

○嘉靖八年。令五府掌印并兩

廣湖廣等處總兵官缺。除提督團營將官不推外。其餘提督坐營。及都督。有才望者。照舊與公侯伯一體推用。

凡五府都督等官。正德十六年。令必由都指揮積累軍功。勲庸顯著。及才望超卓者。并錦衣衛。亦必由軍功。及異能者。方許陞授。

凡錦衣衛堂上缺。掌印僉書官。本衛具奏。下兵部。照五府堂上官例。於本衛指揮使同知僉事等官內。每缺推舉二員。奏請簡用。

凡錦衣衛鎮撫司員缺。弘治六年。令從兵部推舉相應衛鎮撫銓補。如無於各衛所見任千戶內推選。具奏改授。○嘉靖二十一年。議准本司係詔獄理刑之官。有缺。行該衛掌印官。先於本衛各千戶內。從公推選。考試送兵部。再加詢訪。考試於內簡拔二員。疏名上。請定奪。

凡錦衣衛五所當駕千百戶所鎮撫。洪武以來。舊額本衛堂上官。就於各所原係錦衣衛官子孫承襲。平日行止端方。人物爽利。備知事體。帶俸官內推選。具奏。行部銓補。○嘉靖十二年。題准。錦衣衛空閒帶俸官。除犯徒罪者。開送營操。

其無過犯者。各照舊帶俸。每月朔望點闡一次習練。

駕儀以備推用。

凡各都司掌印僉書等官缺。本處有相應官聽各鎮巡官保舉。兵部議擬奏請簡用。本處無官具奏。兵部查訪中外相應官兼用。或遇事故犯罪被劾急缺者。兵部即行推用。其都司掌印僉書官并留守司正副留守缺。兵部於各守備內留守僉書於指揮內查其賢能有守。曾經撫按薦舉及訪係才望出眾者。奏請簡用。後有貪濫

蕃王及其從官。具服於天界寺。習儀三日。擇日

朝見。前一日內使監陳設。

御座香案於

奉天殿。尚寶司設寶案於

御座前。侍儀司設蕃王與其從官次於

午門外。蕃王拜位於丹墀中道稍西。及

御座之南。其從官拜位於蕃王丹墀拜位之後。俱北

向設方物案於丹墀之北中道。東西方物狀案

於

御前及丹墀中。受方物官位於方物案之東西。知班

二人位於蕃王拜位之北。引蕃王舍人二人位於蕃王之北。引蕃王從官舍人二人位於蕃王從官之北。俱東西相向。餘入朝會儀。是日鼓初嚴。禮部陳方物於

午門外。舉案者就案。次嚴執事官。俱入就位。接伴舍人引班舍人引蕃王及其從官。立俟於

午門外。三嚴文武官具朝服。入就侍立位。執事者舉方物案。蕃王等從其後。由西門入

奉天西門。至殿前丹墀西俟立。侍從奉迎

皇帝具禮服御輿以出。大樂鼓吹振作。陞座樂止。擗

備提調備禦把總各四句。中軍千總指揮鎮撫千百戶各二句。有堪邊腹及貪暴實跡。皆註考語之末。總具一冊。一併送部。其各鎮總督亦於每季將各官賢否揭部參考。

考選

軍政考選。與文職考。同。成化二年。令軍政官五年一次。通以見任掌印帶俸差操。及新襲職官一體考選。十三年。令兩京通考。自是以為常。考選之法。兵部預先通行南北直隸浙江等處。巡撫都御史轉行都布按三司掌印官。各將所

屬衛所副參遊以下千戶以上。賢否履歷訪察明白。各註考語。徑送撫按官處。另註考語。造冊三本。限四月終旬。差人齎部。至期各參遊都司守備操守等官。兵部會同兵科。參詳去留。上請定奪。仍聽科道拾遺。其都司衛所官。撫按照例會官。從公考選進退。仍將考選官員職名造冊。奏繳到部。覆奏定奪。若

孝陵衛官考選。自弘治十二年始。錦衣衛官考選。自正德十年始。騰驤四衛官考選。自嘉靖八年始。武永樂年間額設管軍百戶。父祖相承。未經

改調。舊例不考選者。一體考選。自嘉靖九年始。內外衛所。五年考選。衰老庸劣。不堪操備者。即行住俸。勒令應襲兒男承替。自隆慶六年始。凡考選軍政額數。嘉靖三十八年。申明成化年間舊例。每衛不拘指揮使同知。僉事共三員。掌印一員。佐貳二員。衛鎮撫一員。如無鎮撫。選相應千戶署管。每所正副千戶一員。所鎮撫一員。百戶十員。專管軍政。錦衣衛各所千百戶。不時上直。不限員數。騰驤等四衛。養馬設軍政指揮共五員。掌印一員。僉書四員。府軍前衛所屬二

十五所每五所指揮二員衛鎮撫二員通州衛路衝又兼上直亦設軍政指揮共五員掌印一員佐貳四員衛鎮撫二員每所千戶三員所鎮撫并百戶隨其有印者照數定選俱不許增損凡五府大臣并管理府軍前衛侯伯與錦衣衛堂上掌印僉書官嘉靖二十九年題准每遇考選軍政之年俱聽自陳去留取自

上裁其有不協公論者許言官糾拾○萬曆七年令各省直總兵官照例自陳

凡五府屬衛成化十三年議准兵部會同五府

官通行考選軍政官如舊額俱限年二十五歲以上五十以下有六十以上精力未衰者驗實存留見任不敷許選別衛先儘見任次帶俸凡遇在外五年考選之期在京亦復舉行南京衛所照例其終身帶俸官降犯貪淫五年之外能改過自新者從撫按官保用

凡京衛軍政官成化十四年議准每衛各選指揮一員專管屯田馬政等事一體僉書

凡騰驤等四衛官成化十六年令有不職者聽兵部及科道察訪舉劾○嘉靖八年議准遇考

選之年。照各衛考選。如有堪任將領等官。一體推用。

凡兩京五府所屬。并上直衛所官。嘉靖二十九年題准。悉從巡視京營科道。及兵部驗軍委官。一體采訪。填註考語。送部考選。○三十三年題准。前項各官。凡遇考選。不得輕相更調。每季造報文冊。將營操各衙門雜職武學肄業等項。盡數開造於見任之後。如遇下次考選。先儘本衛雜差營操各項官。并原調衛所不拘幾輩。盡數掣回選補。其官少事簡衛分。千百戶印信。各令

官一員。非遇緊急軍情。不許輒調。○弘治十八年議准。都司衛所軍政官務精選才能。或由武舉。并經保舉者。照京衛例調改。如舊官不才者。盡發操備。其首領官亦銓選科貢正途。年力相應者。與軍政官頡頏行事。仍行撫按嚴加察舉。○嘉靖六年奏准。在外軍政官考選員缺。本年八月終。巡按御史類奏推補。○十六年。令都察院轉行各處巡按御史。置立格眼文簿。用印鈐記。發各都司掌印官收掌。遇大小軍職問擬罪名。逐起登記。年終類報撫按查考。候考選之期。

呈送鎮巡會考。若立功三次。奏請降一級。未及三次。查果改過有實蹟。方許舉用。其南北直隸衛所。付該管兵備收掌。兩京法司。每年終問過軍職。開送兵部。各查照紀錄施行。

凡湖廣荆襄鄖陽河南南陽陝西漢中西安各該守禦等衛所。并都司。隸巡撫鄖陽都御史所轄者。正德六年議准。一體會同考選。○嘉靖二十年題准。將承天

顯陵二衛軍政。即行巡撫都御史考選。其興都留守司一應事務。俱聽本官節制。撫治都御史不必

一貫丁皮。每斤五百文。暹羅蘇木。每斤五百文。

暹羅蘇木。每斤五百文。暹羅烏木。每斤五百文。暹羅烏木。每斤五百文。暹羅烏木。每斤五百文。暹羅烏木。每斤五百文。

木。每斤五百文。胡椒。每斤三貫。琉球三十五貫。暹羅木。每斤五百文。

刺加藤。每斤一百文。藤。每斤一百文。藤。每斤一百文。藤。每斤一百文。

牙吸。每斤五百文。八的阿納。每斤四百文。

三額阿刺必。每斤五百文。別模刺。每斤五百文。

厥枯露。每斤二百文。加定。每斤五百文。哈都味。

思。每斤五百文。阿思模達。每斤五百文。

蘇麻達。每斤二百文。花。每條一十貫。大花。

手中。每條二貫。小花。每條一貫。絲。每條一貫。

手中。每條二貫。小花。每條一貫。絲。每條一貫。

條二貫。紵紋節知被。每條五貫。苾布。每疋一十
 五貫。撒哈刺。每疋一百貫。堯羅布。每段一十貫。
 油紅布。每段一貫五百文。青布。每段一貫五百
 文。花布。每段一貫。暗花打布。每段一貫。沙連布。
 每段一貫。青查禮布。每段一貫。加籠宜布。每段
 一貫。烏連布。每段一貫。勿那朱布。每段一貫。各
 採鹿鹿布。每段一貫。日本國附進刀劍。每把鈔三
 貫。內一分與錢九分。支絹。每
 鈔一百貫。該絹一疋。其禮檀香。每十斤。銀一
 兩。折錢七百文。暹羅滿刺。加檀香。俱每斤鈔
 三十貫。暹羅藤。每斤鈔十五貫。紫莖。每斤鈔
 三十貫。羅球。暹羅滿刺。加。每鈔二百貫。折絹
 一疋。

隆慶二年題准。兩京并各省衛所管屯官。不拘
 指揮千戶。察其才力大小。屯糧多寡。分委隔別
 衛分。催徵依期完解。每年考選分差之後。各該
 御史仍將委定衛所。并選過官員職名。呈院咨
 部。以別賢否。

凡考定官員。俱要在任分理兵政。非有緊急軍
 情。不許擅差。在京者。免其上直赴操。若係在營
 隨差之數。即令替回。其餘除馬政帶管外。如屯
 田領班操備巡鹽捕盜管局運糧備倭等項。一
 體考選。量才委用。前項雜差官員。在任之日。許

令公座僉書。一應文案。不許干預。其他軍政以外。跟隨鎮守。守備內外等官。大小軍職。不許營求軍政。考選已定者。亦不許營求跟隨。有妨軍政。○萬曆元年題准。通行各撫按衙門。凡考選軍政。以印屯為主。擇有心計。堪以幹濟者。先註各衙所掌印管屯。有營力。堪以抗禦者。定委各路管軍。其次。乃以充各衙門旗牌差遣。不得越次取用。其見在督撫鎮巡各道役使者。止許量留數人。餘皆發回。聽委印屯之用。其掌印管屯官。果有盡心幹理。于軍政屯務有裨者。撫按官

即與保薦。兵部登記將材簿內。遇有守備把總坐營員缺。酌量相兼推用。

凡軍政急缺。成化十五年。令在外從撫按定委奏保。兩京從各衛軍政首領官保舉。五府覆勘。係親軍者。兩京兵部覆勘定奪。不拘五年。後犯貪淫等罪。連坐舉主。

凡過犯考選。成化八年。令帶俸武職。先雖犯罪。後能改過自新。父祖雖為事。或脫逃。子孫能自立行止。有守有為者。並許考選管事。○又議准。有犯監守自盜。受財枉法。及求索科歛。誑騙等

項流罪。減至杖一百。徒三年。贖罪還職。例應帶俸。不許管軍管事者。若係腹裏。仍分撥各邊上。班操備。不許營求管隊等項。遇警與邊衛帶俸。差操官隨軍殺賊。下班回衛。五年內能改過自新。照例會選軍政管事。如再犯。終身輪班赴邊操備。不許會選。○弘治十五年奏准。軍職犯立功。問革管事。五年之內改過自新。方許推委。不許鎮巡等官假名暫委。占為頭目。縱令害人。凡考選禁例。弘治十三年申明。軍職五年考選。有營求屬託者。指名黜退。永令帶俸。其不得與

選生事教唆陷害已選官員者。問罪。不分官軍。俱調邊衛帶俸食糧差操。凡帶俸官。俱不許管軍管事。○嘉靖九年題准。考選之後。或以已名。或主使人羅織生事。投詞告害者。在京聽兵部。在外聽撫按官。叅究。照例調發邊衛。

降調

立功為民充軍

凡降級。洪武二十七年。守衛榜例。管軍官犯罪。指揮降千戶。調邊衛千戶。降百戶。百戶降總旗。總旗降小旗。衛鎮撫降所鎮撫。所鎮撫降總旗。俱調邊遠衛。今止照所犯論。不拘逾降。○正德十一年。令署

職至實授。皆准一級。逋降。○隆慶元年題准。武舉中式舍人。人民人。加陞署所鎮撫。後犯該降級。原無實職。可降。即將武舉職級。并米石。革去抵罪。

凡役占軍士降級。成化三年。令坐營把總以下官。役占軍士。自一名至五名。俱降一級。五名以上。降二級。甚者罷職充軍。仍發邊衛守禦。○弘治十三年。奏准。都指揮。跟隨軍伴六名。指揮四名。千百戶鎮撫二名。不管事者一名。俱用餘丁。不許摘撥。正但有額外多占正軍。五名以下。問罪。降一級。

六名之上。降二級。甚至十名以上者。止於降三級。其賣放軍人。包納月錢者。亦照前名數分等降級。甚者罷職。發邊衛充軍守禦。又軍職役占餘丁。至五名以上者。問罪。降一級。十名以上者。降二級。二十名以上者。降三級。三十名以上者。奏請發落。若受財賣放者。仍照前項名數分等降級。又軍職賣放。并役占軍人。二罪俱發。其賣放已至十名以上。役占不及數者。依賣放甚者。例罷職充軍。役占已至十名以上。賣放不及數者。依役占甚者。例減降三級。賣放。役占。俱至十

名以上者。從重發落。俱不及

降級。後占軍人五名。又占

錢滿貫者。從重降級。仍發

級於原衛所帶俸差操

凡缺少班軍降級。嘉靖

為率。衛所掌印官六

一級。調發邊衛。中途不到

十三年議准。衛所官俱免解京。就

具奏定奪。四十年議准。衛所軍少。掌印

分以上。問罪降一級。八分以上。降二級。調發別

衛。隆慶六年題准。行各處督撫官。將管衛將

領千把總官所部軍。逃亡三分以上者。降一級

五分以上。降二級。歲終會同具奏

凡拖欠屯糧降級。隆慶初議准。各衛所屯糧。通

限當年完足。如未完四分以上。管屯官降俸二

級。掌印官住俸。各戴罪催督。未完六分以上。管

屯官降二級。革任差操。掌印官降俸二級。戴罪

管事。其住俸降俸官。俱不許別差。通候完至九

隆慶元年題准。武

後犯該降級

石。革去抵

總以下

占以

弘

弘

弘

弘

弘

弘

弘

弘

弘

弘

弘

弘

弘

名以上者。從重發落。俱不及十名者。併數通論降級。後占軍人五名。又占餘丁十名。及包納月錢滿貫者。從重降級。仍發立功滿日。照所降品級。於原衛所帶俸差操。

凡缺少班軍降級。嘉靖三十一年題准。以十分為率。衛所掌印官六分以上。提解來京問罪。降一級。調發邊衛。中途不到者。罪坐劄付官。○三十三年議准。衛所官俱免解京。就彼作速問擬。具奏定奪。○四十年議准。衛所軍少。掌印官五分以上。問罪降一級。八分以上。降二級。調發別

衛。○隆慶六年題准。行各處督撫官。將管衛將領千把總官所部軍。逃亡三分以上者。降一級。五分以上。降二級。歲終會同具奏。

凡拖欠屯糧降級。隆慶初議准。各衛所屯糧。通限當年完足。如未完四分以上。管屯官降俸二級。掌印官住俸。各戴罪催督。未完六分以上。管屯官降二級。革任差操。掌印官降俸二級。戴罪管事。其住俸降俸官。俱不許別差。通候完至九分以上。住俸者。方准開俸。仍將住過日期查照補支。降俸者。准復原俸。止以完報之日為始。未

完八分以上。管屯官降二級。仍調邊衛。係調邊衛者。改極邊。俱帶俸差操。掌印官降二級。革任差操。都司掌印管屯官。總計所屬衛所。完欠分數。一體查參。如各官。或新任。署印帶管。止以經手年月扣算。不得一槩偏累。○二年題准。兩京并各省衛所管屯官。拖欠七分者。各降級別用。○萬曆十三年題准。降二級者。完報之日。復原職。不許補支俸糧。

凡占用馬匹降級。嘉靖二十九年定。在京坐營管操內外官。并把總以下官。將馬匹私占騎用。及撥與人騎坐。至五匹者。降一級。六匹以上。三級。其各邊鎮分管守備把總管隊等官。將騎操并驛傳走遞官馬。私用伺候。及私撥與人騎坐。亦如之。

凡失盜降級。成化二十一年。令各處盜賊生發。如事干城池衙門殺官。劫庫。劫獄。并積至百人以上者。限一箇月。以裏不獲。聽鎮守巡撫巡按官。將分巡分守守備。及府州縣衛所巡司掌印巡捕官。住俸戴罪。挨拏盡絕。照舊支俸管事。半年不獲者。不分司府州縣衛所巡司掌印巡守

巡捕等官俱聽巡按御史提問。三司掌印官照依常例發落。其餘每一起將州縣守禦千戶所巡司掌印巡捕官并專一地方守備等項及府衛巡捕官降一級。每二起府衛掌印官降一級。每三起分巡分守官降一級。俱調邊遠去處。○又令凡京城內外關廂街巷但有響馬強盜白晝打劫者巡捕把總等官兩箇月以上不獲降一級。調外衛分管地方官俱住俸。責限緝捕。若不係白晝及離城寫遠去處巡捕把總等官各住俸。與分管地方者俱責限緝捕。不獲送問。一

年之內積至五起以上仍降一級。十起以上三級俱調外各邊及腹裏地方。遇賊入境殺虜男婦十名口以上。牲畜三十頭隻以上。不行開報者。問罪降一級。加前數一倍者。二級。二倍者。三級。甚者。罷職。其總兵官知情扶同。參究治罪。凡領運降級。正德十六年題准。把總指揮千百戶等官。索要運軍常例及科索銀至十兩以上者。問罪降一級。二十兩以上。二級。三十兩以上。三級。至四十兩以上。止三級。仍發回原衛所差操。不許推用。至五十兩以上。問罪。發邊衛充軍。

○隆慶二年題准領運官侵扣運軍月糧行糧多索船料等項銀兩計賊多寡如監守自盜例各衛所官應該赴運奸懶託病者指揮降三級衛鎮撫千戶二級所鎮撫百戶一級仍發運凡侵欺器物降級嘉靖二十九年題准衛所官旗人等侵欺軍器物料那前補後虛數開報及三年不行造冊奏繳者官降一級帶俸差操各該都司并分巡分守官怠慢悞事者叅究治罪凡土夷降級嘉靖二十九年題准土官土舍縱容本管夷民頭目為盜聚至百人殺虜男婦二

中卓寶粧茶食雲子麻葉二碟甘露餅四箇鮓魚二塊大銀錠油酥八箇小銀錠笑靨二碟果子按酒各五般菓四色花頭二箇湯三品馬肉飯一塊大饅頭一分添換小饅頭一碟羊肉一碟茶食一碟酒七鍾下卓寶粧茶食大銀錠油酥八箇煤魚二尾果子按酒各四般菓四色湯三品馬肉飯二塊大饅頭二分酒七鍾○弘治十年令會同館宴待夷人禮部屬官一員光祿寺正官一員巡看務要卓面豐腴酒味真正宴畢待宴大臣宣布

會典卷一百十四
朝廷優待至意。回還之後。各守恭順。管束部落。毋得生事擾邊。自取滅亡。○十七年。女直都指揮四員赴京。以人少難請待宴。官員奏准領宴。

番夷人等朔望朝及見辭酒飯

上卓按酒用牛羊等肉共五碟。每碟生肉一斤。八兩茶食五碟。每碟一斤。果五碟。核桃紅棗榛子每碟一斤。膠棗柿餅每碟一斤。八兩中卓按酒用羊牛肉四碟。每碟生肉一斤。茶食四碟。每碟十兩。果四碟。核桃榛子紅棗每碟十兩。膠棗十二兩。酒三鍾。湯飯各一碗。○成化十一年。迺

例將多餘見任人員。量為斟酌調補。子孫襲替之日。有願回原衛。或願在今調衛所。俱從其便。其五年一次考察。不在此例。

凡王親改調。弘治七年。令王親同城居住。及附近者。查係見任。調五百里外管事。若願帶俸者。存留。其

王妃。夫人。郡主。縣主。亡故年久。無親生子者。王親子孫。並許推用管事。不在帶俸改調之例。○嘉靖九年。議准邊方衛所官。與

王府結親者。不准本衛所帶俸。俱調五百里外管

事

凡犯罪問調。成化十一年。令指揮以下。都指揮

以上。宿娼。俱調別衛。帶俸差操。

犯奸盜。和買樂婦。娶有夫之妻。

同。○弘治中。奏准。各邊將領。有遣人入京。黃緣

干進者。調雲貴兩廣地方。安置。所遣人。發邊衛

充軍。○正德元年。令。達官犯罪。應調極邊衛所

者。北方非宜。兩廣太重。俱編發山東。邊海等處

帶俸差操。○十六年。令。軍官曠職半年以上。奏

調邊遠衛所。抗拒不行。阻壞法令者。緝捕逮治。

仍解原調衛所。帶俸差操。如再逃避。調廣西邊

衛。遇赦不宥。○嘉靖二十二年。以

各陵衛官。利於調衛。規避繁難。題准。陵官曠職。免調

止。問擬本等罪名。發落。

王府護衛儀衛司軍職。有犯私罪以上。奏行兵部

上請改調。若犯因公罪。准罰贖還職。管事。○二

十九年。題准。軍職上馬用交床。出入擡小轎者。

役人問罪。官叅問。京衛調外衛。外衛調邊衛。俱

帶俸差操。

凡立功。弘治六年。題准。在京法司。問過京衛弁

直隸衛所軍職。該雜犯絞斬者。俱送兵部。照例

判發宣府薊州遼東等處各該總兵等官定授沿邊沿海衛所立功五年滿日回衛帶俸差操在外問刑衙門間發前項軍職就彼酌量沿海沿邊衛所照例發遣惟達官有犯押發廣西邊衛立功其大同宣府二處軍職問發犯該絞罪者係大同送宣府極東衛所係宣府送大同極西衛所各從本鎮總兵官定發立功五年滿日送回帶俸差操其餘腹裏并各邊地方俱照舊例發遣若軍職年七十以上十五以下及廢疾者免發立功

凡為民弘治間定軍職犯敗倫傷化者非法用刑打死人命者皆發回原籍為民如刑傷未死者降級調用強盜自首犯罪脫逃及充軍遇宥者亦為民○正德二年令軍職為民無原籍者本衛所隨住○萬曆十二年題准凡軍職犯該為民者俱改本衛所隨舍餘差操凡充軍軍職犯守備不設者充邊遠軍犯侵欺錢糧饒死者俱充永遠軍

凡犯罪遣發嘉靖十五年議准軍職立功降調為民等項奏允即便遣發依限責取收管繳報

內有應追贓者。嚴併完納。其立功候限滿回衛後。果能自新。一體送用。為民者。候年六十。或終身之日。子孫襲替。各不許當緣管事。朦朧起送。凡紀過文冊。嘉靖三十一年題准。咨都察院轉行兩京問刑衙門。及各巡按御史。每月終將問過軍職情罪畧節。類開奏報。并繳兵部。置立紀過文冊一本。凡遇繳到。該司掌印官。摘其有關襲替者。將所犯情罪。一一登記。呈堂備照。

大明會典卷之一百十九

大明會典卷之一百二十

兵部三

銓
武職襲替

武官世襲。歿者承襲。老疾者替。載在職掌。

累朝以來。事例益繁。武官多故。絕以旁枝繼其族。屬踈遠者。名曰犯堂。例不得襲。洪武中。五十以上者。許子替職。後皆以六十為限。未及者。名曰未六。例不得替。他如犯罪冒功之類。皆有減革。今備列焉。

凡襲職替職。洪武二十六年定。凡軍官亡故。年

老征傷須以嫡長兒男承襲替職。或嫡長男早喪及篤疾殘疾則嫡孫承襲替。如無嫡子嫡孫則庶長子承襲替。若嫡庶子孫俱無方許弟姪承襲替。其應合承繼弟男子姪務要曾經操練弓馬熟閒并當該衛所正官保結呈送其審供查黃引選等項緣由並與除授官員相同。○永樂元年令官舍旗軍餘丁曾歷戰功陞授職役其子准承襲。無子其父兄弟姪見授職役小者俱准承襲。職事相等無應襲者義子女婿不准承襲。若先不曾立功就與職役後亦無戰功者不准承襲。指揮

千百戶子弟隨征有功陞指揮千百戶。後征進有功陞職者准承襲。不曾征進者不准。若已致仕後有功陞職亡故并告代者原替職或見支優給子孫職任小者就與父兄所陞職事。若職事相等不許以次子孫別襲。○二年題准軍職正妻無子其妾婢所生子均為庶子。不論母之次序止以年長者承襲。○成化八年令武職原係帶俸者子孫承襲仍帶俸。係管事者仍管事。○十七年奏准武職絕嗣旁枝不許承襲。如已襲者不許再襲。義男女婿詐冒承襲不改正者照

例治罪○二十二年題准降級官見在伊子暫替見降職事。父故之日仍襲祖職。若子替職後病故。孫該承襲降級之祖。在亦准襲復祖職。若子替降職後獲功陣亡。孫又承襲雖降級祖見在亦准襲原祖職。仍加伊父陣亡一級。若子未替故。孫承祖仍暫替所降職事。○弘治三年奏准旁枝承襲例。如高曾祖原係功陞總小旗以後從曾伯叔祖。或從伯叔祖堂伯叔又立功陞官者。指揮革襲試百戶千戶革襲署百戶。子孫准承襲百戶革充冠帶總旗一輩。子孫止替

旗後。其試職署職。如無軍功。雖遇例不許實授。若高曾祖止是軍後不係功陞總小旗旁枝子孫不准承襲。○十二年令一祖從軍代後立功之人絕嗣者。其親弟姪並許相沿承襲。弟姪長房絕嗣。次房子孫為堂兄弟者亦准襲。若隔一二輩不曾承襲。今來告者其原立功之人係指揮減襲試百戶千戶減襲署百戶百戶替冠帶總旗一輩以後止替總旗。若堂伯叔兄弟旁枝子孫不分已未襲替俱不許襲。○十三年奏准年未及六十有告殘疾願替職者在內從兵部

驗實在外從原衛勘明。兵部查照引奏附選。○
十八年議准立功之人故絕親弟或親姪已經
襲職者許相沿承襲。或親弟姪原未經襲其姪
孫以下及堂兄弟姪等旁枝俱不許襲。保勘違
例者問罪調衛。○正德元年奏准旁枝子孫承
襲。如高曾以上原無職役親祖父襲替堂伯叔
兄職者後自得功不分署職實授。凡一級者併
收總旗子孫世與冠帶。二級者世襲署百戶。其
無功旁枝子孫一體准收總旗。○嘉靖十年申
明弘治十八年例立功人故絕同時親弟親姪

應合承繼及曾經襲過者方許遵照律例保送
其姪孫以下及堂兄弟姪除親祖例前相沿又
立有軍功者一體扣算保送其餘無功姪孫以
下至堂兄弟姪等項及各祖沿襲職事之後別
無自立軍功不許一槩保送違者軍職問罪調
衛文職照例發落遇例不宥其旁枝子孫革去
職役者在內從兵部在外從巡撫衙門照總小
旗同宗之人皆得替補例俱收充總旗照例併
鎗有功一體陞授。○十三年題准軍職患病子
替職後故絕本官病痊年未及六十戶無應襲

之人准復原職○三十年議准新官優養不拘年限生子准襲舊官十年內生子准襲無子為民○三十一年題准各衛所官員年六十以上自知功次宗枝欠明畏懼減革或例無承襲難以告替俱行該衛所住俸該襲替者保送子孫襲替不該襲替者查革隨住○三十七年題准軍職官年滿六十不行告替減革半俸○又例軍職娶樂人之女為妾生子雖係長男亦不准襲令無礙庶次男承襲如無庶次男取大次房應襲之人承襲戶無應襲之人即行停革其故

官正妻照例優養家產仍歸所生親男○凡立功未滿患疾殘痼不能應役者許立功衛分驗的保送應繼兒男替職仍隨營殺賊扣算限滿方回原衛支俸其限未滿而逃者不許替

凡襲替借職正統七年令武職故而嫡長子孫年十歲以下者許庶男弟姪借職候嫡長出幼還職違者充軍十歲以上不許○續定惟老疾無子方許弟姪借職如後疾愈生子借職之人不行退還者問發邊衛充軍其有子年幼照例優給雖稱有疾亦不准借○嘉靖十一年議准

應襲舍人杲患殘疾原無優給兒男者許令相應之人借職生子退還○又例借職後自立軍功陞級後續生有子將原借祖職退還其自立之功令本身子孫扣算級數龍襲替

凡推用武官龍襲成化十三年令在京帶俸選出兩廣等處衛所管事亡故而所遺幼子單丁不願復任者許留原處帶俸差操○弘治十六年議准京衛推選各都司都指揮官遇有事故子孫龍襲回原衛願留在彼者聽錦衣衛仍照例改註京衛其因事降調不在此例○嘉靖三

十三年題准在京各衛所調任官管事年久子孫龍襲替該衛將調任生子來歷移闕原衛保送如有不肯回衛巧為影射及扶同冒保者照妄保例一槩罷職揭黃永不許襲

凡陞職官舍龍襲替景泰元年令軍職獲功陞級未任先故者伊男准襲陞若指揮使陞都指揮故者雖未任不准襲陞○弘治十三年令官舍人有功陞職過於父祖者子孫襲所陞職開原職如不及父祖者襲原職開所陞職嫡長男已襲職嫡次男有功陞職而絕嗣者別枝不許襲

襲職官。為事革罷者。子孫襲祖職。○正德二年。令武舉中式。應襲舍人襲替。准加陞武舉署職。後子孫仍襲祖職。○嘉靖五年議准。凡父祖降級後。再立軍功。與祖職相等。或不及祖職者。止許襲祖職。若過於祖職者。方准襲陞。○十年令。凡軍職高曾祖原有官職。其伯祖并堂伯堂兄。襲授之後。再立軍功。陞職。子孫襲故絕。以後堂兄弟姪并姪孫等項。襲替者。止該襲替祖職。其伯祖堂伯堂兄。自立軍功。陞職。不准襲。○三十一年題准。領軍官部下。獲功。陞級。子孫襲替。止

襲祖職。若有擬陞。未任先故者。許其襲陞一輩。以後查革。○萬曆十二年題准。軍民本身立功。陞職。故絕。如有的親弟姪。保送赴部。查其功。陞止一二級。照例准襲。三級以上。量減一級。七級以上。減二級。如無親弟姪。其伯叔弟姪。俱不准襲。

凡陣亡武官承襲。正德十四年奏准。為事降級。陣亡者。許襲陞陣亡一級。○嘉靖七年奏准。陣亡絕嗣。弟姪承襲祖職。或伯叔兄弟自立軍功。累至指揮使以上。陣亡者。應襲之人。止許襲指

揮使本身加贈一級。係都指揮陣亡者。贈級仍加祭一壇。○凡都督陣亡。子孫襲陞祖職。加一級。○二十五年題准。都指揮及指揮使陣亡者。承襲之人。不拘子孫弟姪。只襲祖職。止於指揮使。若原襲指揮使以下軍功。有應減革者。准扣算累陞。亦至指揮使而止。○又例。陣亡奉有欽依保送襲職者。許襲流官一革。以後襲替。仍至指揮使而止。○二十七年題准。舍人奮勇遇敵陣亡。無子承襲者。准令兄弟姪承襲。應陞職事。○三十九年題准。軍職獲功累陞至都指揮以上。對敵陣亡者。除本身卹典。長男承襲祖職外。仍廕一子指揮。僉事世襲。年幼者。全俸優給。如無次子。即於長子承襲祖職上。加陞三級。至流官不世襲。

凡為事官舍承襲。洪武二十九年令。祖從軍。父為事。典刑襲祖職。父從軍。兄為事。典刑襲父職。父從軍。就為事。典刑者。發充軍。○景泰五年。令犯竊盜。拘摸搶奪。盜官畜產者。問罪如律。仍革職。發原籍為民。聽應襲者。襲。○成化十四年。令降調充軍者。本身在。不准襲。○二十二年。今逃

官不知去向。三年准襲。無子准借。被告脫逃。該徒以上。問革為民者。至六十乃許襲。○弘治七年令強盜自首免死。及犯充軍。遇蒙

恩宥者。各革職。發原籍為民。仍候身終。許令次房無礙子孫保送襲職。○嘉靖十年令凡充終身軍及為民後。不分新舊官。十年以內生子者。准優給襲職。十年以外生子者。革發為民。另取次房襲職。○十三年題准。舍人充終身軍。及為民者。不待身終。年老。其子孫准襲祖職。○又題准。凡自己獲功。自己犯罪。除充軍降級革職為民。不

襲外。若犯該立功徒杖以下。曾經復職者。候子孫襲替之日。查照功次。應該世襲者。准世襲。如陣亡。一體襲陞。其自己獲功。又犯降級者。除該降級數。不襲。仍有未降職級。查係軍功。照例承襲。○三十四年令犯罪典刑。次房承襲。後自立軍功陞職者。革祖職。扣襲軍功職。

凡調衛武官襲替。弘治十三年題准。軍官調衛者。子孫襲替。不得還原衛。○正德十一年奏准。軍職犯該人命失機。典刑宿娼等罪。或人命軍機。律應至死。

欽減充軍者子孫襲替照例調衛其餘徒杖等罪并
雜犯律不應死及勘問未結病故者龍衣替免調
○嘉靖二年奏准逃操降級調衛事故子孫俱
許告替祖職聽回原衛○五年奏准

王府護衛并儀衛司軍職止犯徒杖等罪或因有
過奏調遇

詔應回原衛者子孫襲替俱改註附近衛所帶俸
差操○萬曆十二年議准軍職宿娼調衛犯姦
為民有子孫龍衣替免調衛錦衣衛及

王府護衛官仍照舊例改調

凡犯罪降襲弘治四年令軍官犯強盜窩主不
分贓及不行者襲職降一等○九年令應襲舍
人犯劫盜者弟姪照祖職降一級承襲該優給
者依此例○正德十年令調衛不赴任十年之
上病故者子孫襲職降二級萬曆十二年
題改降一級○嘉
靖十年題准軍職犯該強盜問招未明身故者
應襲之人查照祖職上減襲一級○十一年議
准軍職犯侵盜邊方錢糧永遠充軍者但係洪
熙元年以後陞職子孫不准襲若係洪武永樂
年間有功人子孫不分監故發遣遇革免贓除

本犯子孫不准襲許各衛所將有功人大次房無礙子孫及備抄原犯招由連人保送赴部查議於祖職上量降一級不待本犯身終承襲如無次房即行停革○十五年題准武職有犯知強盜後分贓未擬充軍者子孫襲職或優給俱於應襲職事查降三級○又例軍職失機誤事罷職發邊遠充軍遇宥蒙

特恩降級者身終年老之日止許襲替所降職事帶俸差操不得復還祖職○凡舍人犯宿娼及和娼樂人為妻妾者問罪附過候承襲之日降一

級調邊衛○凡軍職已經替職閒住犯該杖罪降級本身例不降級仍將替職弟男人等各依父兄該降品級授職待本官身終仍復祖職○萬曆十二年題准洪永年間軍職絕嗣保送旁枝子孫襲替照例駁查無礙查係父祖四輩以下姑准承襲五輩以上量革一級若係永遠充軍大次房子孫襲替如係四輩以下仍降一級五輩以上通降二級例前襲過者候子孫襲替日減革如大次房子孫降襲後又犯永軍者係再犯重罪之家即行革襲揭黃

凡犯罪革職宣德四年令武職及子弟有犯不孝并敗倫傷化者不許復職承襲○五年令守城失機貽患邊方者不准襲○正統十四年令臨陣退怯致所部失陷二十人者不准襲○成化十五年令納粟招軍陞職者自己立功陞官後為事罷職及充軍者革○弘治七年令犯劫盜問擬明白不分典刑監故子孫永不許襲○十八年令犯失機死罪

欽斷永遠充軍雖遇

恩宥仍留殺賊未經獲功贖罪復職子孫不許承襲

○正德四年奏准軍職輕信婢妾謀殺正妻除本犯依律問罪外子孫不許承襲○嘉靖十年奏准軍職犯永遠充軍者不分監故發遣雖遇赦宥子孫照舊不許承襲數內追賊不完未經發遣或在途病故未到配所及遇

恩例放回寧家者官職雖不許襲其軍役亦免解補其犯侵欺邊海錢糧者不在此例○十八年令爭襲官爵謀殺親枝者問罪揭黃雖有族屬永不許襲○二十一年題准武職有犯盜用印信假與人官者不問典刑監故俱揭黃發本衛隨

住子孫永不許襲○又題准犯該謀叛者不問
典刑監故俱揭黃子孫永不許襲○三十三年
題准武職與土官夷人交結往來者審有實迹
照交結夷人引惹邊釁例問發邊衛永遠充軍
子孫不許承襲○又題准軍職犯該人命失機
強姦真犯死罪及饒死充軍問擬明白不分典
刑監故子孫俱不許承襲其有例前襲過者若
係洪武永樂年間犯事就在洪武永樂年間承
襲過者子孫照舊承襲若係洪熙以後犯事子
孫雖經襲過不拘三輩五輩待後龍眷之日○

體查革○又題准軍職有犯不孝除極惡大逆
坐以本罪及違犯教令別籍異財等杖罪以下
應該還職差操者俱不議外如有犯毆罵祖父
母父母并繼祖母繼母生母但係問擬死罪或
典刑監故或蒙

恩饒死或遇例革職充軍為民雖經宥免均屬不孝
不拘襲過輩數無論本房次房俱不許襲替優
給發回各衛所隨住其舍人有犯與職官同○
又例凡舍人因父老疾以活作死襲職照文職
詐稱父母死亡發口外獨石等處充軍例其襲

後盜支倉糧。監追完日發配。本犯子孫不許承襲。○萬曆十二年題准。軍職犯強盜情真者。不拘典刑。監故脫逃自縊。俱照例揭黃。子孫及次房。既不在襲。

凡功次減革。天順三年令。擒獲強盜陞職者。不在襲。○成化元年令。正統十四年守城有功陞職者。被虜走回。遇

駕擎馬。及出使瓦剌乞陞者。天順初迎

駕陞者。擒獲妖言陞者。俱不在襲。○正德十三年奏准。成化四年建州。并弘治四年白巖灘等處

功次。內奮勇當先議賞。

特恩准陞者。不在襲。其餘各年。當先被傷驗實擬陞者。准襲。○十六年

詔。正德十二年。大同應州功次。除本邊官軍。自斬首級應陞外。其餘不分已未陞級。盡行查革。○嘉靖元年奏准。正統十四年。景泰元二三年。當先招募。及越陞官職者。查對

欽陞文簿。并內外黃相同。照舊不革。或例前曾經減革者。候子孫襲替改正。其餘前後各該年分。一體照例查革。○十年題定。歷年應襲應革功次。

除永樂年間瓦剌奴兒干等處地方招諭及併
鎗中箭陞級官旗仍舊准襲洪熙元年以後瓦
剌奴兒干等處公幹招諭併鎗中箭陞級官旗
俱照正德十六年例減革宣德十年四川松潘
功次斬首陞級官旗准襲內有越陞者照嘉靖
元年例減革正統元年元魯乃奇功陞二級官
旗准襲正統六年雲南藤川征苗賊頭功奇功
及斬首陞級官旗准襲內有越陞者照嘉靖元
年例減革正統九年迤北克列蘇擒斬賊級陞
授官旗准襲內有越陞者照嘉靖元年例減革

正統十四年至景泰元二三年大同東嶽廟雷
公山黑峪口石佛寺宣府東南二小門洋河橋
居庸關山西偏頭關代州北直隸文安霸州紫
荊關西直門德勝門彰義門遼東八里莊龜兒
山扣河空背陰寨佛僧洞等處當先被傷并殺
賊有功越陞職級照嘉靖元年例准襲其召募
陞職及當先又越陞者仍不准襲正統十四年
至景泰元二三年福建浙江征剿鄧茂七葉宗
流等賊獲功六次并十二次陞二級官旗准襲
內有當先越陞者照嘉靖元年例減革景泰三

年。貴州香爐山。景泰五年。草場等處。擒斬賊級三名以上。陞級官旗。准襲。內有越陞者。照嘉靖元年例。減革。景泰四年。貴州開通道路。陞級官旗。照嘉靖元年例。減革。景泰四年。遼東登州營等處。功次。內該陞一級。給賞擒斬賊級官舍。准襲。內擒斬賊人男婦。及被傷當先交鋒。并前探賊營官旗。俱照嘉靖元年例。減革。景泰五年。雲南飛煉等處。功次。陞二級。陣亡官軍。准襲。內陞一級。總領官。攻破賊寨。并督運糧餉。齎執旗牌。紀功督陣官監生。俱照嘉靖元年例。減革。天順

元年。山西偏頭關。斬首陞級官旗。准襲。其當先被傷為從。陞授官旗。俱照嘉靖元年例。減革。天順元年。大同磨兒山。黑石崖。斬首陞級官旗。准襲。內有當先。被傷。及越陞者。照嘉靖元年例。減革。天順元年。大同楊家營等處。功次。奮勇先入賊陣。殺賊首級。官旗。准襲。內有奮殺賊。被傷等項。陞一級者。俱照嘉靖元年例。減革。天順元年。寧夏沙山兒等處。功次。有擒達賊。斬獲首級。并陣亡官軍。准襲。內敵退賊營。當先殺賊首級者。照嘉靖元年例。減革。天順四年。延綏西黃梁等

處功次。五次殺賊陣亡官旗。准襲。天順五年。四牌樓殺反賊曹欽有功。准襲。內有越陞者。照嘉靖元年例。減革。天順六年。至成化四年。兩廣功次。陸續斬蠻賊首八顆。陞一級。四顆。陞署一級。俱不准襲。天順七年。貴州東苗功次。擒斬苗賊。賊級三名以上。陞級官旗。准襲。內有越陞者。照嘉靖元年例。減革。天順八年。兩廣功次。擒斬賊級三名顆以上。陞級官旗。准襲。內有越陞者。照嘉靖元年例。減革。成化元二年。廣西荔浦大藤峽。擒斬賊級三顆以上。陞級官旗。准襲。內有越

陞者。照嘉靖元年例。減革。成化三年。湖廣荆襄斬首三顆以上。陞實授一級官旗。准襲。內有越陞。及斬首二顆。陞署一級者。減革。六年。荆襄斬首四顆。陞實授一級。三顆。陞署一級者。不革。成化四年。貴州山都掌斬苗賊首三顆以上。陞級官旗。准襲。內有越陞者。照嘉靖元年例。減革。成化四年。遼東建州。擒斬虜賊首級。陞實授官旗。准襲。其斬首為從。奮勇當先。被傷。俘獲賊屬。所陞署級。俱照嘉靖元年例。減革。成化五年。固原石城兒等處。征剿土達滿四等。斬首陞級官旗。

准襲其當先又被傷并先被傷後擒斬一二名
顆為從陞署級者俱照嘉靖元年例減革。成化
六年榆林開荒川斬首陞級官旗准襲其斬首
為從又陣傷并當先又陣傷與管領旗牌催戰
及把總官殺賊一次無部下首級數目陞級及
斬首一顆為從等項陞署一級官旗俱照嘉靖
元年例減革。成化九年榆林征達賊斬首陞級
准襲其當先被傷并斬首為從又陣傷及分投
督陣齎執旗牌陞署級者俱照嘉靖元年例減
革。成化年間陝西魚兒河紅鹽池斬首陞級官
旗准襲其當先所陞署級并越陞職役照嘉靖
元年例減革。成化十一年湖廣荆襄征進流賊
斬首三顆以上陞實授一級准襲其斬首不及
數當先陞署級及越陞職役俱照嘉靖元年例
減革。成化十二年兩廣征蠻賊斬首三顆以上
陞級官旗准襲內有越陞者照嘉靖元年例減
革。成化十五年貴州西堡斬首三顆以上陞級
官旗准襲內有越陞者照嘉靖元年例減革。成
化十五年遼東建州斬首陞級官旗准襲內有
三次當先所陞署級并越陞職役俱照嘉靖元

年例減革。成化十六年大同威寧海子斬首陞
級官旗。准襲內有當先被傷及斬首為從被傷
執旗督陣所陞實授一級。并署級及越陞職役
俱照嘉靖元年例減革。成化十七年白孤莊功
次二人自擒斬達賊一名。顆二人共擒斬賊級
一名。顆俱准襲。內有當先衝鋒被傷督陣三次
當先及哨探賊情等項俱照嘉靖元年例減革。
成化十九年朔州駝梁等處斬首為首部下斬
首五顆以上。并陣亡陞一級。回營身故陞署一
級。官旗俱准襲。成化十九年宣府韓家莊斬首
為首官旗。准襲。內有奮勇當先督陣旗牌。陞署
級者俱照嘉靖元年例減革。成化二十年大同
紅墻兒功次陞二級。一人自斬首二顆者准襲。
內有當先被傷陞級照嘉靖元年例減革。弘治
八年甘肅涼州紅山兒功次斬首為首陞實授
一級。擒斬賊子一名。陞署一級。內斬首為首。在
襲。其擒斬賊子陞署級係幼小達賊。已行給賞
例。該減革。弘治九年哈密蕃國二人共斬賊級
二顆。為首陞實授。并署職二級者。除實授一級。
准襲。內署二級。准襲。署一級。其幼小首級并奪

回婦女署級。不准襲。弘治十年。甘肅涼州。斬首
為首。陞級。實授。并戰傷。回管身故。陞署級。俱准
襲。弘治十一年。寧夏賀蘭柳溝。一人自斬賊級
二顆。并斬首一顆。及二人共斬首為首。俱准襲。
內有斬獲。幼小達賊。并親執旗牌。督陣殺賊。及
三次當先。被傷。陞署一級者。俱不准襲。弘治十
二年。肅州鎖南卜。一人自斬首級一顆。又二人
共斬賊級一顆。為首。陞二級者。俱准襲。弘治十
六年。陝西葉蘭領軍官。自殺首級一顆。陞一級
者。照成化十九年例。減革。弘治十七年。遼東錦

州沙河。一人自斬首級一顆。二人共斬賊級一
顆。為首。准襲。內二人共斬賊級一顆。為從。陞署
一級者。不准襲。弘治十八年。大同焦山兒。斬首
為首。陞實授。陣傷。回管身故。陞署一級者。俱准
襲。正德元年。大同一人自斬首一顆。為首。并部
下領軍。斬首及數陣亡。及二人共斬賊級一顆。
為首。各陞署一級。俱准襲。內先擬給賞。後陞授
一級。同二人斬幼小達賊為首。陞署一級者。俱
不准襲。正德三年。大同寧陽鋪。二人共斬首一
顆。為首。領軍部下。斬首及數。俱准襲。內衝鋒破

敵又被傷陞署一級者。照嘉靖元年例減革。正德三年密雲黃崖三人共斬賊級一顆為首陞實授一級。准襲內二人共斬賊級一顆為從陞署一級者。俱不准襲。正德三年宣府獨石二人共斬賊級一顆為首陞實授一級者。准襲內有二人共斬賊級一顆為從又被傷陞署一級者。俱不准襲。

凡冗濫減革景泰四年令納粟實職不准襲。○天順元年奏准武職自永樂後陞官不以軍功者。總小旗比試中箭陞職者。總小甲冒補總小

指財物者。俱問發帶俸差操。○嘉靖四十三年題准五府屬吏如遇襲替官舍到府五日之內即與起文過部。如違至十日之外聽武選司開送兵科。該吏徑送法司究問。首領官請

旨處治。○隆慶三年題准各處武官襲替雲南貴州四川廣東廣西福建江西浙江俱限十五年之內南北直隸湖廣陝西河南山東山西遼東俱限十二年之內許於撫按衙門給文赴部。准其襲替。中間果有祖父本身追徵錢糧未完緣事提問未結及年幼例不應襲以事完出幼之日

為始。扣至十年之內。但有撫按查給明文。及限內告有執照可據。到部者。照例准襲。此外再有耽延者。照例革發為民。若貧難無力。該管官司恣意刁難。不即保送。以致違限。在京許於兵部在外許於撫按衙門。具告查究。○又例。凡應襲舍人。曾經優給。扣算住支年月。不行出幼。自住支年月日起。至赴部之日。違限十年之外者。比與徑襲舍人不同。查勘無礙。照例准襲。

凡襲替禁例。弘治元年奏准。武職襲替。有請託內外權要。乞陞官職者。照姦詐犯法在逃例。革

親誼來歷。奏請定奪。○十二年題准。

皇親官員子孫襲替。備查黃選明白。若原奉

欽依。有世襲字樣者。許襲一輩。查無世襲字樣者。止

榮本身。不准襲。其例前襲過者。候子孫襲替。照

例查革。○三十一年奏准。各衛所官。有陞至都

督指揮以上。後坐事革任者。但許食祖職俸。流

職俸盡革。其起廢官。亦如今職支俸。冒前俸者

革。內外衛所試職署職官。惟遇例實授者。如故

有署職獲功。止宜實授。而冒陞者。有傳乞越陞

者。皆減革。武舉署職過例實授加俸。後來所陞

職級過於所加及折色改支本色者皆改正。內
外衛所官有年六十以上。或例無承襲。或功次
宗枝未明。而匿不以言者。一體查革。斬獲北虜
一人。南賊三人者。陞一級。詐冒者革。騰驤等衛
力士間有因事發克及兄為校尉。弟為力士。甚
則一家三五役。及二三輩者。革。有因缺年久。吏
書以姦徒冒名者。革。○萬曆元年題准。自嘉靖
三十二年以後。至四十三年以前。凡係家丁名
色陣亡。除應襲子孫照舊襲陞外。若以伯叔弟
姪冒併者。候襲替日。一體查革。其未經併陞者。

雖係陣亡之人嫡親子孫亦不准併

凡流官不襲。左右都督及都督僉事俱係流官。
有缺從

朝廷陞調不許世襲。○洪武二十二年令都指揮
係世襲指揮使者出職仍授世襲指揮使。若指
揮同知陞都指揮同知者出職仍授指揮同知。
○嘉靖十三年議准都指揮以上流官若有軍
功子孫襲替。遇有應革者悉照嘉靖五年梁功
事例。梁與承襲至指揮使而止。其梁該都指揮
流官仍不許襲替。其例前有革過者子孫襲替。

查照改正○萬曆五年題准總兵官不分祖職
行伍出身果能設謀制勝奮勇克敵陞級奉有
欽依世襲字樣者雖無親斬之功子孫並許承襲至
指揮使而止或係流官及無世襲字樣即有世
襲字樣而非軍功者子孫襲替仍舊停革
凡恩蔭世襲文武大臣及總兵叅遊以下領兵
剿賊如遇大敵能運謀設伏衝鋒陷陣建立奇
功者撫按分巡官覈實具奏兵部題奉

欽依陞職廕子有世襲字樣者俱准襲○萬曆十二
年題准大臣恩蔭武職必須世嫡或嫡長子孫
別有職事方許次房借廕次房亦有職事方及
再次待後身終及應替日仍還嫡長子孫世襲
若一家二廕或原有世職則以職大小為序職
大者與長房次者與次房例前襲過者候身終
日改正

凡襲替保勘洪武三十年令子孫應龍替而無
文書來告者不准○永樂十五年令委保襲替
詐冒不實者本身及保勘官俱罷職揭黃永不
許襲○弘治十一年令妄保襲替者不分受財
不受財及借職病故致仕悉照永樂間例行○

十三年奏准。凡保到應襲兒男弟姪。但有姻族并無干人。奏告姦生乞養。倫序不明等情。已經勘明。繳報到部。而原告又行捏詞告奏者。問罪軍調邊衛民發口外。應襲者。即與入選。原詞立案不行。○正德十四年。令內外問刑衙門。凡應襲舍人犯行止有虧。敗倫傷化。例應革職為民者。備行本都司衛所。轉行兵部查照。不許保送襲替。仍別舉應襲之人。違者。以枉法論。○嘉靖十一年。題准。通行各處巡按御史。置立花欄號票。經由衙門。一一擬款。立定保勘。起送限期。刊

刻印刷。編立巡按半印字號。遇有告襲之人。令其先將原起送公文。赴巡按衙門掛號。酌量地里遠近。填註限期。每名領給一張收執。各衙門照限保勘。完日銷繳。驗有不行依限者。查提治罪。中間如有患病事故等項。各衙門亦就具由回報。并追繳前票。待後病痊事結。或原起送之人病故。別係相應之人。另行填給。起送之日。照依兵部所議。將稽遲緣由。同原行卷案。并封送部查照。其有因貧不能告襲。及曾經具告。各該官吏人等。刁難指勒。不與保勘者。許被害之人

陳告以憑參究○二十七年題准遠方都司衛所保勘襲替官舍但係次房子孫祖父數輩未襲者俱要明開未襲輩數呈詳撫按審實取具官吏隣族人等甘結并本舍的確供圖四本一存本衛二給本舍齎送府部一呈都察院咨部查對以便收選仍先責付巡按衙門查驗於結狀年月後明註驗查無違礙訖六字用印鈐蓋如無不准○二十九年題准舍人親供或有洗改字樣兵部驗出徑行驗查若五府驗出止照會本部不得徑自行查如違指實參究○三十

一年題准各都司衛所保送曾經問罪軍職子孫襲替不論事情大小及遇宥改擬釋放俱要呈詳巡按御史轉行原問衙門備抄招由二本用印鈐蓋一給本舍齎投一呈都察院咨部查對收選以省到部查駁之艱○又題准襲職舍人如有未經提學官考校者本舍并保勘官參治○隆慶四年題准移文南京兵部及各該撫按等官如遇軍職正枝故絕弟姪應襲者各將原來情節查照犯堂違限等項條例就被駁勘明確印鈐保結宗圖起送以憑准選減革○又

例。凡在京衛所襲替優養等項。通狀告部送司查戶口冊。若親兄弟伯叔。罰操三箇月。滿日收選。其未經報冊。及年歲不同。有礙者。駁查。○凡襲替舍人。起送到部。如隱匿父祖。參提。及犯立功以上罪名。事情未結。本身見在者。不准收選。駁查。如事已歸結。及本身已故。事情輕小者。查勘明白。准選。○凡在京一輩未襲。孫承祖職。勿論在外。二輩未襲者。駁查無礙。方准收選。在外曾經呈詳。撫按審明。行令保送。封有文卷者。免駁。○凡軍職管運。曾經漕司參提。應追入官還。

官贓銀。或掛欠京通倉庫各項糧銀。或犯該充軍降級。曾否完結。果無違礙。方許保送。如有朦朧保送者。掌印官。及首先出結者。問罪帶俸。差操有贓。以枉法從重論。承襲之人。照舊監追完日。降一級承襲。其有不係充軍降級。而家產已盡。不能辦納者。許其先行襲替。扣俸完卷。○凡用財買囑。冒襲軍職。保勘官。係原衛所首先保為重。該揭黃罷職。都司衛所掌印。僉書連名保結。不知情者。末減。若有贓私。並以枉法論。其朦朧保送。違礙子孫弟姪者。俱照常發落。仍不准。

襲替保後能自檢舉者免罪

凡襲替期限。正統二年。令應襲子孫十年之內。人文到部者。准襲若止文移往來。人不到部。雖稱患病事故。而月日在十年之外者。不准襲。若原籍行移回報。雖出十年。曾於限內告者。亦准襲。○弘治二年。題准應替舍人。選充儀賓父亡。別無子孫承襲者。許令儀賓生子之日。保送赴部承襲。不拘十年之例。○十三年。令軍職應襲十年之外。人文不曾到部者。發回原籍為民。其經管官司查勘明白。過違二年。不與保送。并勒職為民。取應繼子孫承襲。○十三年。奏准軍職襲替。有不由軍功例。該減革。而捏奏官吏沮壞選法者。問調邊衛帶俸。

凡官舍選充儀賓。弘治七年。奏准護衛官有選充儀賓者。子孫仍襲本衛。

凡侍衛將軍襲替。正統七年。議准侍衛將軍。係永樂年間世襲千戶者。子孫襲替。授百戶。係實授百戶。試百戶者。襲替授總旗。○嘉靖二十四年。題准將軍兒男告替。係應役十年以上者。許充校尉。不及者。止與力士。○四十二年。議准將

軍兒男。查係永樂年間。照舊世襲。正德以前。照舊補役。嘉靖二年以後。授有官職者。許充校尉一輩。其餘將軍。或選退。或身終。原係校力者。照舊校力。原係軍民。照舊軍民。例前襲過者。身終查革。○萬曆三年。題准。將軍千戶百戶。侍衛三十年以上者。兒男許替冠帶總旗。將軍侍衛二十年以上者。許替校尉。二十年以下者。止與力士。俱止准一輩。其應役三年。五年。照舊查革。

大明會典卷之一百二十一

兵部四

官舍比試

內外襲替官舍比試。本部行移中軍都督府。會同內外官。於大教場內。令官舍跪聽。

聖諭畢。給事中點定對數。錦衣衛官校看守。每馳馬越一牆。一溝。開弓發矢。凡三射畢。兩人相向。馳馬使鎗箭俱中。鎗不避利便者。鳴鑼二聲。為雙收。一聲。為單收。不鳴者。為不中。查例施行。凡襲替官舍比試。洪武初。令應襲子弟。送都督

府比試。騎射間習。始許襲替。若年幼者。紀名。候長比試。然後襲替。○二十七年。令子弟未及二十歲者。襲職。至年二十。乃比試。年及者。即與試。初試不中。襲職署事。食半俸。二年後再比。中者。食全俸。仍不中。降充軍。○永樂十年。令再比不中。仍食半俸。三試不中者。發充軍。別選子弟襲替。○弘治六年。令比試不中者。悉照永樂十年例施行。○隆慶三年。題准比試馬箭外。加步箭九矢。如步箭中二矢。馬箭合式。雖文理稍通。亦准取上等。步箭中二矢。雖文理欠通。馬箭不中。亦許取次等。如馬箭合式。而步箭不中。文理欠通。亦准取次等。將一等五名以前。附記將材簿內。量補提調把總員缺。其餘補各衛所掌印。魚書等缺。次等。先行帶俸。撫按官酌量委用。下等不中者。與支半俸。候二年。起送覆比。再不中者。住支折俸。止許月支米一石。又二年。再比。三次不中者。革職充軍。別選子弟替職。

凡各處監比。嘉靖二十一年。議准兩京衛所。并在外都司。應襲人員。俱要素習弓馬。起送之時。各該衙門。試果熟閒。方許給文赴部。如至大教。

場比試十名內有二名不中者將各掌印官參
提降罰不中人員查照舊例施行○隆慶四年
題准行衛所備查應襲官舍年既出幼無分已
未襲職責令各衛所掌印官逐月精其射藝通
行較閱分別等第各省則申呈各都司官兩直
隸則申呈各兵備道嚴加稽查務使駢射精聞
比試得中方為稱職如一衛有下等二員者即
將掌印官照例參問○萬曆元年題准比試不
中候及二年例應再比除此直隸山東山西河
南遼東照舊外在南京各衛所聽南京兵部照
例會同南京中軍都督府在雲南等十省及南
直隸衛所類送御史公同該都司及各該守巡
道比試中式者列為等第即填原給號紙用印
鈐蓋准其開俸造冊繳部查考不中者如例行
凡比試分新舊官永樂初令洪武三十一年至
三十五年奉

天征討獲功陞職者為新官子孫年十六出幼襲替
免比試三十一年以前者為舊官子孫年十五
出幼襲替俱比試永樂元年以後獲功者出幼
比試與舊官同○嘉靖八年奏准新舊官一體

比試

凡比試有冠帶總旗以軍功陞署百戶者。景泰四年。令承襲照例比試。仍支總旗名糧。差操管事。

凡免比試者。洪武二十七年。令雲南土官襲替。免比試。○正統十二年。令武職隸雲南都司者。依守備官例。就本處會官比試。○嘉靖十四年。題准襲替軍職。但經武舉中式者。通免送比。凡比試違限。正統間。令係無力者。違一年以上。住俸半年。二年以上。住俸一年。三年以上。住俸

止於二年半。不必遍加。○隆慶四年。題准新舊官舍。年未及二十。願比者。或襲替至部。許其徑自告比。或公差赴京。許其呈衛起送。一體比試。不願者。照舊例行。未及六十。子孫弟姪告替者。與大選官同比。違限五年之內者。照例住俸五年之外。各計道路遠近。如南北直隸。湖廣陝西。山東。山西。遼東。過限十二年。雲南。貴州。四川。廣東。廣西。福建。江西。浙江。過限十五年者。照新例革發。別選應襲之人承襲。凡武職自來不曾比試者。弘治十二年。令子孫

襲職俱任俸三年。○正德六年議准祖父一輩未比試者，子孫襲職任俸三年。二輩三輩任俸四年。四輩以上止。於五年不必遞加。雖遇革不免。

凡比試引疾，五府官俱於該選月初十以後二十以前各行奏請。照例將比試引疾緣由及奉過

欽依如期送回，以便查審入選。

旗役陞用

併鎗

總小旗補役以併鎗勝負為陞降。遇有應併人

役到部照比試例行移會官於中軍都督府前監併其分別勝負亦與比試同。

凡總小旗併鎗，洪武二十六年定。總小旗併鎗陞用須憑各府照會開繳。當該衛所保結文狀到部，然後類寫具奏請。

旨准用，仍咨呈該府行下各該衛所收補，或奉

旨取用。年深總旗除授須自各衛取勘從軍脚色保結呈送到部，仍審實來歷相同，具本引奏選用。其附選出榜抄榜給憑催任，一如除授官員施行。○又定總小旗缺務選年深精壯勇敢軍人

小旗併鎗軍人併鎗得勝。陞小旗。小旗併鎗得勝。陞總旗。○二十八年。令異姓併鎗得勝者。授役年月。從本身始。不勝者。總旗子。降小旗。小旗子。降充軍。異姓者。不分總小旗名下。俱充軍。但不勝者。俱不許再併。○永樂二年。令總小旗兒男。關糧紀錄者。至十六歲。准出幼著役。○成化六年。令奉

天征討小旗。未經類引。獲功二級。該陞試百戶者。准未併鎗例。減一級。實授總旗。其本身獲功陞授者。不在此例。○弘治十三年。奏准。凡謀故殺死

總小旗者。就於犯人戶內。勾取壯丁。抵充軍數。其旗役。仍令本戶餘丁補當。○正德八年。奏准。各衛總小旗戶絕。即將名伍開除。不許義男女。壻外甥告補。○嘉靖十二年。題准。在京。在外。各都司衛所。將總小旗行拘到官。審取各役從軍立功陞旗。繼補併鎗備細。來歷親供。攢造文冊。內有老疾不堪應役之人。即將名伍開除。就令應該替役弟姪兒男。保送併鎗。文冊一年一次。依期造報。○二十七年。題准。陣亡總旗兒男。奉欽。依陞襲者。雖出十年之外。亦准併補。仍加陣亡一

級○又例凡總小旗老疾亡故親男幼小者將弟姪等項收支軍糧應役親男長壯併鎗代補如無親男方許弟姪等項併補○凡總小旗年老疾故該嫡長子孫併補如幼小殘疾將次房子孫暫併旗後因獲功陞授一級應將祖父原役退還嫡長子孫併補其次房子孫功陞一級照軍餘例准充小旗若祖總旗暫補之人功陞百戶者亦將總旗退還嫡長子孫暫補之人准充小旗○凡民人犯事充軍有功陞小旗遇赦該放不許放回仍留原衛

凡錦衣衛旗役弘治十三年議准錦衣衛總小旗犯一應行止有虧罪名者俱調衛充原役○正德八年題准錦衣衛旗役力士如在逃一年之內聽其首告查無情弊初犯准令復役再犯調衛充軍若一年之外曾經攢造逃故文冊清勾者不許首告聽原籍官司拘解如正身病故取該管官吏里老甘結解戶丁補役○十六年詔諸色人等冒認錦衣衛戶丁舍丁致陞官旗者限三箇月內准自首免罪止革去職役過限不首者事發治罪發遣○又例凡錦衣衛冠帶總

旗犯該徒罪以上。及教場點閘不到三次者。革去冠帶。待有功之日。仍與冠帶一體加賞。○嘉靖四十二年題准。錦衣衛官除軍功世襲。皇親廕授外。或冒籍充役。黃綠陞官。或京衛隨藩乞

恩。或奏帶陞官。或報捷填註行本衛逐一清查。具奏裁革。○隆慶元年。查革一百二十餘員。○二年。查革四百三十餘員。又兵部節議。查革一千一百一十五員。○萬曆八年。議准革錦衣衛提督象房千百戶等官軍奴等役。其事務歸併本衛。

○十三年題准。行錦衣衛掌印官。查革該衛冗冒官員。

凡

王府護衛總小旗。洪武初令從王所補授。

凡太常寺犧牲所旗軍。但有過名不分輕重。改調在京別衛。揀選無過之人補當。其為事立功。遇赦回衛者。亦調別衛。

凡各處監併。洪武二十五年。令總小旗亡故親男弟姪。及義男女婿。能併鎗者。俱准併勝者。補

原役

義男女婿正德以後不准併

護衛總小旗併鎗免赴京

雲貴四川兩廣從本都司官監併後奏准福建遼東陝西都司山西行都司俱照此例○正統二年奏准南京直隸衛所總小旗從守備及兵部堂上官會併湖廣浙江江西山東河南萬金山西大寧都司福建行都司中都留守司具由申部轉行各司會同巡按按察司官監併四川行都司所屬布按二司同本司正官監併○成化三年題准各衛所總小旗戶丁併鎗補後會彼處鎮守撫按并布按二司官親詣監併四川

行都司建昌等六衛相離四川路遠及無鎮守等官有總小旗戶丁曾經保申兵部准併鎗者就令本處首領官會同本都司掌印官監併回報○六年令延綏等處守邊總小旗依湖廣等處例申部轉行就本處會官監併

凡例免併鎗洪武二十八年令陣亡失陷傷故殘疾出海運糧覆沒者補役免併鎗○永樂間令奉

天征討有功者免併鎗一次○正統十二年令凡陣亡征傷殘疾旗役例免併鎗者以十年為率若

替役十年之外。不經告明者。不准

凡功准併鎗。正統八年。令總旗代役。未併鎗。獲功一級。該陞試百戶者。以功准併鎗。補實授總旗。竒功一次。頭功二次。該陞實授百戶者。各除一級。准併鎗。陞試百戶。○十二年。令併鎗違限立功者。在立功限內。獲功一級。准免併。即與實授。○凡併鎗違限。正統十二年。令應併鎗之人。違限十年。或年過三十。例該收軍者。發沿邊立功五年。滿日併補。○隆慶六年

詔。總小旗併鎗。年及三十歲。十年外。人文不到部者。量照武職襲替例。南北直隸。湖廣。陝西。河南。山東。山西。遼東。俱限十二年之內。江西。浙江。廣東。廣西。福建。四川。雲南。貴州。俱限十五年之外。免其查革。此外再有耽延不行告併者。方行革充軍役。○又例。凡總小旗弟。男子姪。父祖不曾併鎗者。係是隔輩。不准併鎗。革充軍役。

土夷襲替

凡土官襲替。洪武二十七年。令土官無子。許弟襲。○三十年。令土官無子弟。而其妻或壻。為夷

民信服者。許令一人襲。○永樂十五年。令土官告襲。雖出十年。亦准襲。○正統二年。奏准土官應襲者。預為勘定。造冊在官。依次承襲。○弘治二年。令土官應襲子孫。年五歲以上者。勘定立案。年十五以上。許令襲。如年未及。暫令協同流官管事。○五年。令土官襲職後。習禮三月。回任管事。○嘉靖六年。奏准。一官襲替。及土舍年久。不得承襲者。鎮守撫按嚴督三司等官。從公作急勘明具奏。若展轉推託。及貪官作弊者。指實參究。○二十九年。題准。土舍襲替。查無違碍。即署職管束夷民。待後功勞顯著。方許實授。其餘不曾調遣。及無功可錄者。照例起送赴部襲替。各官授職之後。若能建立奇功。平定大盜。應合重加賞賚。或

誥勅褒獎。如有驕縱違誤。征調愆期。聽鎮巡官臨時議擬。奏請

明旨。遵奉施行。○三十三年。議准。雲貴土舍應襲。令照品納米。撫按查明具奏。就彼襲替。○萬曆元年。題准。停止雲貴土舍輸納事例。凡土司告襲。所司作速勘明。具呈撫按覆實批允。布政司即

為代奏該部題選。填馮轉給。就彼冠帶龍職。有願赴京親襲者。聽其效。忘進獻馴象土物。并疏奏聞。撫按仍設告襲文簿。將土舍告襲。藩司代奏日期。登記明白。年終報部備考。

凡土官襲替禁例。弘治十三年奏准。土官龍替。其通事把事人等。及各處逃流軍囚客人。撥置不該承襲之人。爭奪仇殺者。俱問發極邊煙瘴地面充軍。○嘉靖十年議准。各邊軍職及勘事人員。索取土夷財物。致生他變者。依激變良民律例。○十四年議准。雲南四川兩省土官。各照

舊分管地方。如有不遵斷案。互相仇殺。及借兵助惡。殘害軍民。并經斷未久。輒復奏擾變亂者。土官子孫。不許承襲。所爭村寨。平毀入官。仍追究主使。扛幫教唆。積年通把人役。問以重罪。○三十三年題准。土官土舍嫁娶。止許本境本類。不許越省。并與外夷交結往來。遺害地方。每季兵備道取具重甘結狀。如再故違。聽撫按官從實具奏。兵部查究。量情輕重。或削奪官階。或革職閒住。子孫永不許承襲。凡夷人襲替。洪武永樂間。降附達官亡故者。子

孫襲替降一級○正統間令海西建州等女直
襲替授職二十五年陞一級各降陞例。今俱不行。○成化
間令達官襲替免降。新遷安插者許就衛所襲
替。係流官者仍減襲。其海西等女直襲替乞陞
不拘父子。但乞一次者不許再乞○弘治六年
令海西等夷人告襲者查原齊

勅書。除天順以前陞授職事俱仍舊。成化以後乞
陞者都指揮行大通事勘明。即與襲替都督仍
行鎮巡等官勘奏定奪○凡哈密等處使臣求
襲父職者查有原降

誥勅照例襲替換給。其餘外夷乞討官封俱臨時
奏請定奪○嘉靖元年題准。達官承襲照土官
例。不拘十年之限○十一年題准。夷人襲授等
項照禮部奏行事理。附入朝貢數內。方准襲授。
不許違例。將朝貢龍襲授各起夷人混入赴京○
又例。凡夷人奏係二十五年之上。例應陞級者。
會同譯審明白。行巡撫衙門勘結授職。二十五
年之內。果無犯邊情弊。年數相應。連入咨報。有
礙者徑自阻回○凡來降夷人有職事者。與原
舊職事子孫承襲無職事者。量與做頭日子孫

襲替之日收軍。後能立軍功陞職者。照軍人獲功例准襲。其不由軍功別項陞者。子孫襲替。革與頭目差操。○十二年議准。女直夷人襲替。譯審辯勘明白。兵部具揭帖赴

內閣查對原

勅底簿無異。就與襲替。其都指揮有功討陞都督。譯審果係正身。及無搶冒等項情弊。行巡撫衙門勘果應陞。連人咨報奏請。若或有礙。就彼咨諭阻回。○又例。凡海西建州。及朵顏三衛女直。討襲替。若所管部落累曾犯邊。本人懦弱不堪。

襲替管事。革去討陞職事。所授職事。通降一級。左右都督以下。量減一級承襲。俱換給

勅書。齎捧回還。管束部落。照例進貢。曾討陞一次者。不許再討。若能將本邊夷人。及漢人逃去本地。擒拏及被擄漢人。送到守邊將官處。亦許鎮巡等官具奏。量加陞賞。仍令鎮巡等官。將前項事情撮其大要。譯寫番文。用總兵官印信。每都督給與一張。令知勸懲。

凡夷人

勅書。成化十四年。革夷人襲陞總勅。另給分勅。○

嘉靖中例夷人奏有總勅要行分給襲替者。行
巡撫衙門查明咨報。照例奏請分給。各夷有奏
稱原授

勅書被搶。及遭水火等項無存者。若係成化年間
招撫之數。譯審查對明白。仍行巡撫衙門查勘
無礙。咨結前來。議擬上請。不係招撫之數。毋得
一槩混同奏擾。○凡夷人併繳

勅書。如無搶冒洗改情弊。行該邊巡撫衙門勘審
咨報。覆行辯驗明白。不拘所繳多寡。俱於原授
職事上量陞一級。若不係同衛同族。及尊幼未

曾絕嗣。恃強搶奪。改洗希圖陞職者。止與原授
職事。其併繳

勅書。譯令齎帶回寨。交還本夷收領。○十二年題
准。凡來貢夷人。齎有年遠舊勅。例應換給者。巡
撫譯驗真正。明白開寫何等舊勅。連入咨部。查
議定奪。如有那移搶奪不明情弊。徑自阻回

大明會典卷之一百二十一

大明會典卷之一百二十二

兵部五

優給

國初南京設故官營。凡故官子孫妻女皆送入優給。後乃分子孫應襲年未及者曰優給。子孫廢疾故絕止遺母若妻若女及年老無承襲者曰優養。

凡優給優養總例。洪武四年定軍職陣亡無子弟而有父母若妻者給全俸。三年後給半俸。有子弟而年幼者亦同。候襲職給半俸。有特旨令其子孫參隨歷練及未授職者給半俸。其病

故無子弟而有父母若妻者給半俸終身有子弟年幼者初年給半俸次年又半之俟襲職給一本俸。

特旨參隨及未授職者亦給半俸軍士陣亡有妻者月糧全給三年後守節無依者月給米六斗終身病故有妻者初年全給次年總小旗月給米六斗軍士給月糧一半守節者給終身將士守禦城池戰沒病故妻子無依者守禦官計其家屬有司給行糧送至京優給願還鄉者亦給糧送回願留見處者依例優給○二十六年定軍

官亡故遺下嫡子喪子者年未出幼或母年老或無嫡子嫡孫次以庶子或弟或姪合得優給養贍者須憑各衛符結起送到部審取故官從軍脚色一體委官齎赴

內府比對貼黃相同具奏如是奉旨欽與優給隨即於

御前附寫欽與優給文簿扣算出幼年分明白開寫歲數至某年注支或奉

特旨陞等優給及流官特與世襲亦須隨即明白注寫通行抄出緣由立案行移錦衣衛作數放支

其征進陣亡。值故病故。總小旗兒男一體引奏。定奪。○二十七年重定。凡武臣在任亡故。及征傷失陷者。自指揮至鎮撫妻。並給米五石終身。無子孫者亦如之。為事亡故。無承襲者。不給。近例○正統十四年。令優給優養官。願回原籍。或南京者。俸糧隨所在官司。關支。願在京者。俱折銀布。○景泰二年。令口外官。願留在京。優養。養者。俱於後軍都督府帶管。凡優給軍職病故。并年老應襲子孫。幼小俱入大選。全俸優給。舊官十四歲住支。新官十五歲。

住支。若以優給而故者。以次應襲之人。轉名優給。○永樂元年。令奉

天征討陣亡官員。幼男送錦衣衛。優給總小旗。幼男錦衣衛食糧。出幼原衛補役。其雜犯為事亡故。并典刑之子。俱照祖職與全俸優給。在外優給官舍婦女。有親可依。不願赴京者。俸糧照例。於所在支給。○正統七年。令武職子弟優給。但在父兄沒後十年內。曾告衛者。行勘。雖出十年。亦准。十年外告者。不准。○成化五年。令世襲官陣亡。其子幼小。合陞流官者。依該陞俸優給。流官

病故其子止給世襲俸○弘治十年令舊官為
失機等事問發未復職者子孫優給與半俸○
嘉靖十一年議准軍職子孫優給若父祖犯該
充軍及犯該雜犯死罪開發立功年限未滿而
死者俱與半俸其餘全俸充軍子孫例前與全
俸優給未曾出幼者照例改支半俸○三十年
議准調衛病故子孫年幼許令原衛暫與優給
候出幼襲職仍去原調衛所○又議准各邊陣
亡○

特旨廢子而年幼者照所廢官與全俸優給加以冠

帶候出幼呈詳撫按就彼授職免其赴京○又
例凡逃官非犯徒罪以上問革為民不知去向
三年子孫亦許優給○凡祖父未經比試例該
罰俸者子孫仍與全俸優給待其出幼方行罰
俸○又例總旗陣亡其子陞與試百戶俸優給
凡優養洪武六年令武官殘疾者月給米三石
優養十年有子准承襲無子為民○二十年令
京衛官老疾無子孫者全俸優養已襲替而故
再無承襲者亦同○成化七年令戶絕官優養
不分新舊母女俱月支米五石妻二石母妻終

身女。係新官者。出嫁住支。係舊官者。十四歲住支。犯姦及改節者。不准。○弘治四年題准。流官患病。照原襲祖職優養。○七年。令武職故絕。有親叔年老。不堪承襲者。仍月支米三石優養。待十年無子。照例為民。○十年。令武職年老。戶無承襲者。支全俸優養。入大選。應襲人殘疾者。舊官。依洪武六年例。新官。給全俸。入大選。不限年。歲。母女支優養者。新舊官俱入大選。妻不准。繼母與孀優養親妻例。月支米二石。若武職故。其子優給亦故。戶無次丁者。其母止作故官妻。月

支米二石優養。○正德二年。奏准。軍職故絕。遺所生女殘疾。不能適人。願守父墳。靈者。月給米一石。終身。○又例。凡軍職故絕。雖使女所生女。及故官生母。雖非父正妻。亦各月給米一石。終身。○嘉靖六年。奏准。各衛故官。優養親母。親女。月支米五石者。給本色米二石。折色三石。內一石。折銀二錢五分。二石。折鈔四十貫。○十年。題准。軍職繼妻。照正妻例優養。○三十二年。議准。軍職年不及六十者。查無殘疾。不准優養。○又例。應襲舍人病故。其妻月給米一石優養。有就

科貢出身。歷官後故絕。遺下妻女。亦照武職例優養。○凡軍職并舍人故絕。遺下母妻等項。例該優養者。雖病故。係十年之外。比與授職兒男不同。保勘無礙。俱准優養。○萬曆十二年題准。舊官仍給全俸優養。殘疾舍人未犯罪名。月支米三石。優養候身終日住支。

凡大漢將軍。試百戶。老疾無替役者。弘治八年奏准。放回優養。仍免戶男一丁雜差。

凡達官病故。無應襲而有正妻者。天順元年。令月支米一石。優養終身。○成化三年。奏准。達官人等故絕。遺有母妻。亦如前例。凡來降夷。日景泰三年。令歿於王事。兒男幼小者。准紀錄。月給養贍米二石。候出幼。著役。其在京病故者。亦准紀錄。月給米一石。

貼黃

國初置軍職黃簿。以便稽考。永樂後。委官清理。事例甚詳。按職掌有缺官條。今不行。其更名復姓附焉。

洪武二十六年。定寫黃續黃例。凡除官。開寫年籍。從軍脚色。赴

內府清理明白寫黃仍寫內外貼黃與正黃關防走號合同請寶鈐記正黃送銅櫃收貯內外黃各置文簿附貼亦於

內府收掌遇有陞調襲替官員次日即具陞轉襲替緣由奏聞貼揭續附如有事故亦須總為置簿揭下附貼以憑稽考○永樂以後續定清黃例凡武職除授後有陞調襲替及降調減革等項每三歲一次清理以兵部侍郎一員總其事都御史一員主糾察翰林官一員主編纂兵部仍委主事一員管理取撥監生辦事官吏供用

將清黃之歲預行在京衛所在外各都司衛所令各具親供申部以憑清理○一取送到各官親供類見都司衛所抄出所供緊關大畧將類進貼黃舊冊照名挨查如貼黃有名與今供脚色相同者銷作重名其不同者騰出○一取騰出親供於歷年征克冊內查所供征克地方於誥勅簿內查所供受過

誥勅於選簿及陞除冊內查所供除授年月職事仍將舊貼黃對款通查供報明白者照例繕寫若有漏報父兄本身舊名及調守衛所從軍征

克地方年月不同。或給授

誥勅。不供流官世襲者。依舊貼黃添改。有供除授職名。與原除日期不同者。依選簿陞除冊改正。若親供詳細。而貼黃不開。或親供流官。而貼黃作世襲親供調權試職。而貼黃作流官。或貼黃歸附年深。而親供年淺之類。並依親供寫黃。○一若有詐冒情弊。或以流官作世襲。試職署職。作實授。或應襲一輩。而冒襲二輩。或應減革。而未經減革。或總小旗妄引事例。未經併鎗。或調守衛所年月。空歇不明等項。難以寫黃者。俱駁

出。造冊照問。俟繳報另行。○一各官繳到回報

照問脚色。須將原照問總冊查對。如回稱拘收

誥勅者。須開定何年月衛所拘收。給還

誥勅係千戶者。須開寫正副。稱父及伯叔兄弟者。

須開各人姓名。稱病故者。須開本官有無子孫

承襲。合拘收

誥勅者。須開本官父祖姓名。衛所職事。

誥勅道數字號。以憑燒燬。有重受

誥勅。須開曾無燒燬拘收緣故。凡查對明白。然後

寫黃。○一寫大黃。備開脚色。凡姓名。舊名。年甲。

貫址。從軍歸附。來歷。征克地方。殺獲次數。受賞名目。陞授職役。調守衛所。并給授

誥勅。俱要細開。仍每姓類作一處分寫。或係達官。另行類出。每寫一官。後空白六行。以備續附。寫畢。仍將各姓見任官父祖脚色。與類姓舊冊通查。有相同者。銷作重名。止將見任襲替緣由。續附。若與見任官同者。亦銷作重名。如陞調止將陞調緣由。續附。凡供殺獲人馬。非親手者。不許開寫。更名復姓者。依今改姓名寫黃○一小黃。止存從軍歸附。征克緊要地方。并衛所流世襲

事。總集開寫二本。一為內黃。一為外黃。其紙式指揮千百戶大小不等。每寫一官。後各空半幅。以備續附。○一為事充軍抄沒。無承襲及義男女婿充總旗者。另行類姓。用白紙開寫。仍具事故緣由。○一寫畢。內外黃。依類姓資次。編寫字號。內黃左比。外黃右比。凡編號。用武字。編訖。仍分類都司衛所。依式分貼。○一清理達官。貼黃於達官總冊。選簿。并承勅郎審過冊內。查對所供鄉貫舊職。歸附起數。除授陞轉緣由。及有姓無姓。有姓者。仍舊。無姓者。類奏。

賜姓。依百家姓編排。其寫黃不類姓。止開某人下來歸。其編號用達字。餘並與武官同。○一寫黃後。將各起達官。親供脚色。編寫勘合。與黃同進。兵部用印鈐記。照例給散。○宣德十年。令軍職貼黃。季報脚色文冊。本都司年終類奏。○嘉靖三十三年。題准。行續黃主事。於大選後。凡該續武職。除內外相同。准續外。其有內無外。有外無內。中間脫落者。備查世次明白。即與註續。內外俱無者。就與立黃。○又題准。軍職應該揭黃者。每年終一次。通行各該衛所。但有為事革發。并

老幼故絕。官舍應該革黃者。即具供結。申呈各都司。備細造冊。付進表官。解部查考。以後每年一造。直隸。并南京衛所。徑自申報兵部。在京衛所。每季一報。該司編立文簿。挨次登簿。貯庫。候揭黃之時。轉達該管主事。年終會同該科查揭。差官燒毀。如有朦朧回報。及過限者。各都司衛所官。查叅治罪。○近定查黃例。凡選簿。貯本司冊庫。每選後。添寫一輩。如黃內輩數不全者。查選簿。凡寶簿。欽陞簿。貯印綬監。與選簿同。如黃選殘缺者。請查寶簿。凡功次簿。貯本司冊庫。與

五府功次勘合底簿同。如黃選內功次欠明。查功次簿。功次簿殘缺。弔查五府勘合底簿。凡歲造貼黃。貯本司庫。如內外黃查對不獲。方查年遠貼黃。○又近例。舍人選官後。每員給號紙一張。將祖父歷功陞職緣由。襲替輩數。俱照黃選書其緊關節要。付本官收執。以後子孫襲替。同保結齎投本司。恐有黃選不備者。即據號紙所載。騰入審單。收選後。仍將襲替年月緣由。續填原號紙後。付照填滿。換給。如遇水火盜賊失去者。於本地方該管衛所。及有司衙門。告給執照。

勅命。其有應合給授者。須憑各官報到從軍脚色。比對內外貼黃年籍。并見授職事流世相同。然後奏聞。騰黃照品定奪。散官寫

誥給授。如犯法得罪。應合追奪到部。進送

內府收貯。若充軍征進者。置簿編收。其典刑及亡故無嗣者。會官燒毀。至今遵行。

凡武官階級

正一品

初授特進榮祿大夫

從一品

初授榮祿大夫

正二品

初授驃騎將軍

陞授金吾將軍

從二品

初授鎮國將軍

陞授定國將軍

正三品

初授昭勇將軍

陞授昭毅將軍

從三品

初授懷遠將軍

陞授定遠將軍

正四品

初授明威將軍

陞授宣威將軍

從四品

初授宣武將軍

陞授顯武將軍

正五品

初授武德將軍

從五品

初授武毅將軍

正六品

初授昭信校尉

從六品

初授忠顯校尉

凡續寫正統以後專差通政司官一員提督武

生母俱故止贈嫡母繼母在嫡母已故合封繼

母贈嫡母兄從軍弟襲其職合封贈父母伯叔

從軍姪代襲者係為人後合封贈伯叔父母襲

祖職者止封贈本父母其致仕官陞除不與陞

授止與原授凡試職官及弟男子姪并致仕官

不授

誥有

特旨與者不在例其父祖原授官職太未經封贈今

子孫見襲官職小該給

誥命其祖母并母俱依父祖原職封贈若父祖原

授官職小。今子孫見授官職大。其祖母并母俱
依子孫職封贈。○二十六年定武職有功應封
贈祖父母。父母。妻室者。照依

欽定資格。一品封贈三代。二品。三品封贈二代。四品
以下封贈一代。

正一品至從六品。曾祖父。祖父。父。各照見授
職事對品封贈。

正從一品。曾祖母。祖母。母。妻。各封贈夫人。

正從二品。祖母。母。妻。各封贈夫人。

正從三品。祖母。母。妻。各封贈淑人。

正從四品。母。妻。各封贈恭人。

正從五品。母。妻。各封贈宜人。

正從六品。母。妻。各封贈安人。

○二十九年。令凡義男承襲義父官職。又隨義
父姓者。當封贈義父母。若出姓者。不封贈。其親
父母亦未得封贈。若本官以後自立功陞職者。
許封贈親父母。若代義父總旗先鋒身役。後自
立功得官。而尚隨義父姓者。封贈義父母。出姓
者。封贈親父母。女壻承襲妻父職事者。封贈妻
父母。若代妻父總小旗役。後自得官者。當封贈

父母○正統六年令武官有廢疾或年幼其弟若叔替職者兄姪終身無子方得封妻婦人夫與子俱有官依文職例從其高者封贈○正德八年議准一凡伯叔父自己立功故絕本人係親姪或聽繼為嗣未聽繼為嗣今襲職止合封伯叔父母若伯叔父襲祖職故絕本人曾聽繼為嗣亦止合封贈伯叔父母本身父母俱不得封贈若伯叔父襲祖職故絕本人不曾立為嗣子只以倫序應該承襲祖職者各封贈本人父母○一兄立功授職親弟襲職封贈本身父母俱准給應得

國家或本身竭力王事非如納銀等項陞級者及雖係納銀等項進身能自立軍功三級以上者俱准給應得

誥命其專以納銀等項進身雖有軍功一二級或恩廕一二次者不准給若奉一時

特恩臨時奏請子孫襲替不係軍功者照例減革○嘉靖十一年題准軍職有以妾作妻冒受封

誥者許令首官改正免罪若有欺隱事發重治○

萬曆元年題准凡錦衣衛官旗將軍及不係世襲者照文職例以三年為率查無違礙方許保

結請

誥○十二年題准武職旁枝子孫繼襲祖職俱待

三年滿日在內從兵部在外從撫按批允請

誥方冊結送部覆覈照例題請撰給若未及三年

或在任犯罪者俱不准

凡武職有子任在京文職者成化三十三年

為封贈依文官例父職高於子者進原職一階卑

者從子官封○萬曆元年題准武職子孫見任

文職進階授封者兵部照例查送膳黃衙門轉

開吏部行翰林官撰述頒給○六年議定職高

於子者仍舊進階卑者照子文官品級查武官

品同者封贈俱給武軸前撰述例停止

凡軍職授

誥之後子孫不能保守如遇水火盜賊者例無重

給

凡土官無封贈父祖例止與本身

誥勅成化以來該撫按衙門查勘無礙奏請兵部

覆題亦准封贈○嘉靖元年奏准長官司長官

勅命准照土官資格六品封贈

正長官作正六品副從六品

凡夷官天順四年奏准野人女直等原授職事

勅書有齎至告襲者。拘收在部。俟定奪職事後給

新

勅照回。其拘收者。通類年終會官燒燬。

凡加贈。洪武二十六年定。武官歿於王事者。照
依生前職事加贈二等。死於鋒鏑者。照依生前
職事。褒贈三等。

大明會典卷之一百二十二

